

漢

書

一  
一



地理志卷第八下

班固

漢書二十八

祕書監上護軍琅邪縣開國子顏

鑒古注

武都郡

武帝元鼎六年置莽曰樂平應劭曰故白馬氏羌

戶五萬一千三百七十

六口二十三萬五千五百六十

縣九

武都

東漢水受

氏道水一名馮過江夏謂之夏水入江天池大澤在縣西莽曰循虜師古曰以有天池大澤故謂之都

上祿

故道

莽曰善治

河池

泉街水南至沮入漢行五百二十里莽曰樂平亭師古曰華陽國志云一名仇池地方百頃

平樂道

沮

沮水出東狼谷南至沙羨南入江過郡五行四千里荆州川師古曰沮音千余反羨音夷

嘉陵道

循成道

下辨道

莽曰楊德師古曰辨音步見反

隴西郡

秦置莽曰厭我應劭曰有隴坻在其西也師古

曰隴坻謂隴阪即今之隴山也此郡在隴之西故曰隴西坻音丁計反又音底

戶五萬三千九百六十

四口二十三萬六千八百二十四

有鐵官鹽官

縣十一

狄道

白石山在東莽曰操虜師古曰其地有狄種故云狄道

上邽

應劭曰史記故邽戎邑也師古曰邽音圭

安故

氏道

禹貢養水所出至武都為漢莽曰亭道師古曰氏夷種名也氏之所居故曰氏道氏音丁奚反養音弋向反字本作漾或作漾

首

陽

禹貢鳥鼠同穴山在西南渭水所出東至船司空入河過郡四行千八百七十里雍州窰

予道

莽曰德道

大夏

莽曰

順羌道

羌水出塞外南至陰平入白水過郡三行六百里師古曰水經云羌水出羌中參谷

襄武

莽曰相桓

臨洮

洮水出西羌中北至枹罕東入河禹貢西頃山在縣西南部都尉治也師古曰洮音吐高反枹讀曰膚頃讀曰傾

西

禹貢嶓冢山西漢所出南

入廣漢白水東南至江州入江過郡四行二千七百六十里莽曰西治

金城郡

昭帝始元六年置莽曰西海應

劭曰初築城得金故曰金城臣瓚曰稱金取其堅固也故墨子曰雖金城湯池師古曰讚說是也一云以郡在京師之西故謂金城金西方之行

戶三萬八千四百七十四萬九千六百四十八

縣十三

允吾

鳥亭水出參街谷東至枝陽入湟莽曰脩遠應劭曰允吾音鉉牙

浩亶

浩亶水出西塞

外東至允吾入湟水莽曰興武孟康曰浩亶音合門師古曰浩音誥浩水名也亶者水洙峽山岸深若門也詩大雅曰鳬鷖在亶亦其義也今俗呼

此水為閭門河蓋疾言

之浩為閭耳湟音皇

令皇

澗水出西北塞外至縣西南入鄭伯津

零枝陽

金城

莽曰金鼻

榆中

枹罕

應劭曰故罕羌侯邑也枹音缺師古曰讀

曰膚本枹鼓字

白石

離水出西塞外東至枹罕入河

羌中河水行塞外東北入塞內至章武入海過郡十六行九千四百里

破羌

宣帝神爵二年置

安夷

允

街

宣帝神爵二年置莽曰脩遠孟康曰允音鉏

臨羌

西北至塞外有西王母石室儼海鹽池北則湟水所出東至允吾入

河西有須抵池有弱水昆侖山祠莽曰臚羌師古曰闕駟云西有卑和羌即獻王莽地為西海郡者也抵音丁禮反

天水郡

武帝元鼎三年置莽曰填戎明帝改曰漢陽師古曰秦州地記云郡前湖水冬夏無增減因以名焉填音竹真反其後並同

三百七十一口二十六萬一千三百四十八

縣十六

平襄

莽曰平相師古曰闕駟云故襄戎邑也

街泉

戎邑道

莽曰填戎亭

望垣

望罕开

應劭曰音羌肩反師古曰本破罕开之羌處其人於此因以名云

縣諸道

阿陽



略陽道

異

禹貢朱圉山在縣南梧中聚莽曰異治師古曰續漢郡國志云有緄羣山落門聚園讀與團同勇

士

屬國都尉治滿福莽曰紀德師古曰即今土俗呼為健士者也隨室之初避皇太子諱因而遂改

成紀

清水

莽曰識睦

奉捷

隴

師古曰今呼隴城縣者也

獮道

騎都尉治密艾亭應劭曰獮邑也音桓

蘭干

莽曰蘭盾

武威郡

故匈奴休屠王地武帝大初四年開莽曰張掖師古曰休音許蚘反屠音直閭反其後並同

戶萬七千五百八十一口七萬六千四百一十九

縣十

姑臧

南山谷水所出北至武威入海行七百九十里

張掖

武威

休屠澤在東北

古文以為猪豷澤

休屠

莽曰晏然都尉治熊水障北部都尉治休屠城

揅次

莽曰播德孟康曰揅音子如反次音咨諸

本作恣

繚鳥烏

樸剌

莽曰敷虜孟康曰音蒲環

媼圍

蒼松

南山松水所出北

至揅次入海莽曰射楚師古曰拾古松字也陟音下夾反兩山之間也松陟峽名

宣威

張掖郡

故匈奴昆邪王地武

帝大初元年開莽曰設屏應劭曰張國臂掖故曰張掖也師古曰昆音胡門反

戶二萬四千三百五

十二口八萬八千七百三十一 縣十 樂得金

渠西至樂涇入澤中羌谷水出羌中東北至居延入海過郡二行二千

一百里莽曰官式應劭曰樂得渠西入澤羌谷孟康曰樂音鹿師古曰

孟音目是也涇音 昭武 莽曰 刪丹 桑欽以為道弱水自此西 氏池

官其下並同 渠武 至酒泉合黎莽曰貫虜 氏池

莽曰 屋蘭 傳式 曰勒 都尉治澤索谷莽曰勒治師 羗 千莽曰揭

否武 曰音遲虔如淳曰音弓軒師古曰驪音力遲反軒音虔 番和農都

是也今其土俗人呼驪軒疾言之曰力虔揭音其謁反 番和農都

莽曰羅虜如 居延 居延澤在東北古文以為涼沙都尉治莽曰居

淳曰番音盤 成師古曰闕駟云武帝使伏波將軍路博德築

遮虜障 顯美。酒泉郡 武帝大初元年開莽曰輔平應劭

居延城 曰其水苦酒故曰酒泉也師古曰

舊俗傳云城下有 戶萬八千一百三十七口七萬六千

金泉水味如酒 祿福 呼蠶水出南羌中東北至

七百二十六 縣九 表

是 樂涇 莽曰 天 師古曰音衣此地 玉門 莽曰輔平亭

載武 樂亭 有 天 師古曰音衣此地 玉門 師古曰闕駟

是 載武 樂亭 有 天 師古曰音衣此地 玉門 師古曰闕駟

云漢罷玉門關屯徙其人於此

**會水**

北都尉治偃泉障東部都尉治東部障莽曰蕭武師古曰闕駟云衆水所會故曰會水

**池頭**

**綏彌**

如淳曰今曰安彌

**乾齊**

西部都尉治西部障莽曰則虜孟康曰乾音干

**敦煌郡**

武帝後元年分酒泉置正西關外有白龍堆沙有蒲昌海莽曰敦德應劭曰敦大煌盛也敦音屯

**戶萬一千二百口三萬八千三百三十五**

**縣六**

**敦煌**

中部都尉治步

廣侯宮杜林以爲古瓜州地生美瓜莽曰敦德師古曰即春秋左氏傳所云允姓之戎居于瓜州者也其地今猶出大瓜長者如入瓜中食之首尾

**不冥安**

南籍端水出南羌中西北入其澤既民田應劭曰冥水出北入其澤

**效穀**

師古曰本漁澤障也桑欽說孝武元

封六年濟南崔不意爲魚澤尉教力田以勤效得穀因立爲縣名

**淵泉**

師古曰闕駟云地多泉水故以爲名

**廣至**

宜禾都尉治昆

命障莽曰廣桓

**龍勒**

有陽關玉門關皆都尉治氏置水出南羌中東北入澤戲民田

**安定**

**郡**

武帝元鼎三年置

**戶四萬二千七百二十五口十四萬三千二百九十四**

**縣二十一**

**高平**

莽曰

**復累**

師古曰復

音服累音

安俾

孟康曰

撫夷

莽曰

朝那

有端旬祠十五所胡

劭曰史記故戎那邑也

涇陽

開頭山在西禹貢涇水所出東南至

川師古曰開音苦見反又音牽此山在

臨涇

莽曰

鹵

濯水出西

音其

烏氏

烏水出西北入河都盧山在

陰密

詩密人國有囂

詩大雅所云密人

安定

參羆

主騎都尉治師古

三水

屬

都尉治有鹽官

陰槃

安武

莽曰

祖厲

莽曰鄉禮應劭

曰厲

爰得

昀卷

河水列出為河溝東至富平北入河應

彭

陽 鶉陰

月氏道

莽曰月順應

北地郡

秦置莽

戶

六萬四千四百六十一口二十一萬六百八十八

縣十九

馬領

師古曰川形似馬領

直路

沮水出東

靈武

莽曰咸富平北都尉治神泉障渾懷都尉治塞外靈州惠帝四年

置有河奇苑號非苑莽曰今周師古曰苑謂馬牧也水中可居者曰州此地河之州隨水高下未嘗渝沒故號靈州又曰河奇也二苑

皆在焉 响衍應劭曰音煦師古曰音香于反方渠除道莽曰五街莽曰吾街吾街鵠

孤歸洛水出北蠻夷中入洛有堵苑白馬苑回獲略畔道莽曰延年道師古

慶州界其土俗呼曰洛盤音訛耳泥陽莽曰泥陰應劭曰泥水出郁郅北蠻中郁郅泥水出北蠻夷中

功著師古曰郁音於六反郅音之曰反義渠道莽曰義溝弋居有鹽大罍師古曰

要字也音一遙反廉卑移山在西北莽曰西河亭。上郡秦置高帝元年更為翟國七月復故匈奴歸都尉

治塞外匈奴歸障屬并州師古曰匈奴歸者言匈奴歸附戶十萬三千六百八十三口六十

萬六千六百五十八縣二十二膚施有五龍山帝原水黃

帝祠四所獨樂有鹽陽周橋山在南有黃帝冢莽曰上陵時木禾平都

淺水

莽曰廣信

京室

莽曰積粟

洛都

莽曰卑順

白土

園水出西東入河莽曰黃土師古曰園音銀其

釋在下

襄洛

莽曰上黨亭

原都

漆垣

莽曰漆牆

奢延

莽曰奢節

雕陰

應劭曰彫

推邪

莽曰排邪師古曰邪音似嗟反

楨林

莽曰楨幹師古曰楨音貞

高望

都尉

治莽曰堅寧

雕陰道

龜茲

屬國都尉治有鹽官應劭曰音丘

慈師古曰龜茲國人來降附者處

之於此故

定陽

應劭曰在定水之陽

高奴

有清水可難莽曰利平

望松

北都

宜都

莽曰堅寧小邑

西河郡

武帝元朔四年置南部都尉治塞外翁龍

屬并州師古曰翁龍

戶十三萬六千三百九十口六十九

萬八千八百三十六

縣三十六

富昌

有臨管莽曰富成

騶虞

鵠澤

孟康曰鵠音告師古曰音古督反

平定

莽曰陰平亭

美稷

屬國都尉

治中陽

樂街

莽曰截勇

徒經

莽曰廉恥

皐狼

大成

莽曰好成

廣田

莽曰廣翰

園陰

惠帝五年置莽曰方陰師古曰園字本作園縣在園水之陰因以為名也王莽改為方陰則是當時

已誤為園字今有銀州銀水即是舊名猶存但字變耳

益闌

莽曰香闌

平周

莽曰

鴻門

有天封苑火井

祠火從地出也

藺

宣武

莽曰討貉

千章

增山

有道西出肱雷塞北部都尉治師古

曰肱音州縣之縣

園陽

師古曰此縣在園水之陽

廣衍

武車

莽曰桓車

虎猛

西部

都尉治

離石

穀羅

武澤在西北

饒

莽曰饒衍

方利

莽曰廣德

隰成

莽曰慈平亭

臨水

莽曰監水

土軍

西都

莽曰五原亭

平陸

陰山

莽曰山寧

鯢

是

莽曰伏鯢蘇林曰音麋師古曰鯢音倪其字從角

博陵

莽曰助桓

鹽官

。朔方郡

武帝

元朔二年開西部都尉治窳渾莽曰溝搜屬并州師古曰窳音更渾音魂

戶三萬四千三百三

十八口十三萬六千六百二十八

縣十

三封

武帝元狩三年城

朔方

金連鹽澤青鹽澤皆在南莽曰武符

脩都

臨河

莽曰監河

呼

道

師古曰道音在由反

窳渾

有道西北出雞鹿塞屠申澤在東莽曰極武

渠搜

中部都尉治莽曰溝

搜沃

武帝元狩三年城有鹽官莽曰綏武

廣牧

東部都尉治莽曰鹽官

臨戎

武帝元朔五年

城莽曰推武

五原郡

秦九原郡武帝元朔二年更名東部都尉治朔陽莽曰獲降屬并州師古曰稠

音固

戶三萬九千三百二十二口二十三萬一千三百

二十八

縣十六

九原

莽曰成平

固陵

莽曰固調

五原

莽曰填河

亭臨沃

莽曰振武

文國

莽曰繁聚

河陰

蒲澤

屬國都尉治

南

興

莽曰南利

武都

莽曰桓都

宜梁

曼柏

莽曰延柏師古曰曼音萬

成宜

中部都尉

治原高西部都尉治田辟有鹽官莽曰艾虜師古曰辟讀曰壁艾讀曰刈

稠陽

北出石門障得光祿城又西北得支就城又西北得

頭曼城又西北得庫河城又西得宿虜城莽曰固陰師古曰曼音莫安反庫音呼

莫黑

旦如傳曰音切但師古曰音丁葛反

西

安陽

莽曰鄭安

河目

雲中郡

秦置莽曰受降屬并州

戶三萬八千



三百三十口十七萬三千二百七十 縣十一

雲中莽曰遠服咸陽莽曰賁武陶林東部都尉治楨陵緣胡山在西北西

陸犢和 沙陵莽曰希恩原陽 沙南 北輿中部都尉治師古曰

關駟云廣陵有武泉莽曰順泉陽壽莽曰常得。定襄郡高帝置莽曰得降屬

并州戶三萬八千五百五十九口十六萬三千一百四

十四 縣一十二 成樂 桐過莽曰椅桐師古都武

莽曰通德武進白渠水出塞外西至沙陵入襄陰 武臯莽于水出

沙陵入河中都尉治莽曰永武駱遮要安陶莽曰迎符武城莽曰桓就武要東部都尉治莽曰厭

胡師古曰厭音一定襄莽曰著武復陸莽曰聞武師。鴈門郡

秦置句注山在陰館 戶七萬三千一百三十八口二十九

莽曰墳秋屬并州

萬三千四百五十四 縣十四 善無善曰陰館沃陽

鹽澤在東北有長丞西 部都尉治莽曰敬陽 繁時莽曰當要師古曰時音止 中陵莽曰遮害 陰館樓煩鄉景

帝後三年置累頭山治水所出東至泉州入海過郡六行千一百樓

里莽曰富代師古曰累音力追反治音弋之反燕刺王傳作台字 煩有鹽官應劭曰故樓煩胡地 武州莽曰 湟陶孟康曰音湟 劇陽莽曰善陽 崞莽曰

崞張孟康 平城東部都尉治莽曰平順 坪莽曰填 馬邑莽曰章昭師古曰晉大康地記云秦

時建此城輒崩不成有馬周旋馳走反 彊陰諸聞澤在東北莽曰伏陰

代郡秦置莽曰厭狄有五原關常山 戶五萬六千七百七

十一口二十七萬八千七百五十四 縣十八

桑乾莽曰安德孟 道人莽曰道仁師古曰本有 當城師古曰

當桓都城 高柳西部都尉治 馬城東部都尉治 班氏秦地圖書班氏莽曰班副 延

陵 犛氏 莽曰犛聚孟康曰 且如 于延水出塞外東至寧入沽

如反沽音姑又音故 平邑 莽曰平胡 陽原 東安陽 莽曰竟安師古曰闕

此加 參合 平舒 祁夷水北至桑乾 代 莽曰厭狄亭應 靈

丘 寇河東至文安入大河過郡五行九百四十里并州川應劭曰武靈

王莽此因氏焉臣瓚曰靈丘之號在趙武靈王之前也師古曰瓚說是也 廣昌 涑水東南至容城入河過郡三行五百 鹵

苦侯反其下並同 城 庫池河東至參合入庫池別過郡九行千三百四十里并州川從河

池音徒何反 上谷郡 秦置莽曰朔 戶三萬六千八百十

一萬七千七百六十二 縣十五 沮陽 莽曰沮陰

泉上 莽曰塞泉 潘 莽曰樹武師古 軍都 溫水東至 居庸 有

唯督 孟康曰音句無師古曰唯 夷輿 莽曰朔 寧 西部都尉治

昌平莽曰長昌廣寧莽曰廣康涿鹿莽曰拊陸應劭曰黃帝與蚩尤戰于涿鹿之野且居

樂陽水出東東茹莽曰茹穀武女祁東部都尉治莽曰祁下落莽曰下忠

入海莽曰久居  
漁陽郡秦置莽曰通路屬幽州戶六萬八千八百二十六

萬四千一百一十六縣十二  
漁陽沽水出塞外東南至泉州

入海行七百五十里  
有鐵官莽曰得漁  
狐奴莽曰舉符路莽曰通路亭雍奴  
泉州莽曰泉

調平谷安樂  
辱奚莽曰敦德孟康曰辱音題字或作蹄獷平莽曰平獷服虔

曰獷音鞏師古曰  
音九永反又音獷  
要陽都尉治莽曰要徠師古曰一妙反白檀泚水出北嶺美師古曰泚音呼

賜反滑鹽莽曰臣德應劭曰明帝更名鹽右北平郡秦置莽曰北順屬幽州戶六

萬六千六百八十九口三十二萬七百八十

縣十六平剛無終故無終子國湏水西至雍奴入海過郡二行六百五十里師古曰湏音庚

即下所云入庚者同一水也

石成

廷陵

莽曰鋪武

俊靡

灋水南至無終東入庚莽曰俊靡師古曰

灋音力水反又郎賄反

莖資

都尉治莽曰哀睦師古曰音才私反

徐無

莽曰北字順亭

字

榆水土垠

師古曰垠音銀

白狼

莽曰伏狄師古曰有白狼山故以名縣

夕陽

有鐵官莽曰夕陰

昌城

莽曰淑武

驪成

大揭石山在縣西南莽曰揭石師古曰揭音桀

廣成

莽曰平虜

聚陽

莽曰馬睦

平明

莽曰平陽

遼西郡

秦置有小水四十八并行三千四十六里屬幽州

戶七萬二千六

百五十四口三十五萬二千三百二十五

縣十四

且慮

有高廟莽曰鉏慮師古曰且音子余反慮音盧

海陽

龍鮮水東入封大水

封大水緩虛水皆南入海有鹽官

新安平

夷水東入塞外

柳城

馬首山在西南參柳水北入海西部都尉

治令支

有孤竹城莽曰令氏亭應劭曰故伯夷國今有孤竹城令音鈴孟康曰支音祗師古曰令又音郎定反

東入濡水濡水南入海陽又有盧水南入畜莽曰肥而應劭曰肥子奔燕燕封於此也師古曰濡音乃官反

賓從

莽曰勉武

交黎

渝水首受塞外南入海東部都尉治莽曰禽

陽樂

狐蘇

唐就水至徒河入海

徒河

莽曰

文成

言窮

臨渝

渝水首受白狼東入塞外

又有侯水北入渝莽曰馮德師古曰馮讀曰憑

紮

下官水南入海又有石揭水賁水皆南入官莽曰選武師古曰紮音力追

反

遼東郡

秦置屬幽州

戶五萬五千九百七十二口

二十七萬二千五百三十九

縣十八

襄平有

師官莽

新昌

無慮

西部都尉治應劭曰慮音閭師古曰即所謂醫巫閭

望平遼

水出塞外南至安市入海行千二百五十里莽曰長說師古曰說讀曰悅

房

候城

中部都遼隊

莽曰順睦師古曰隊音遂

遼陽

大梁水西南至遼陽入遼莽曰遼陰

險瀆

應劭曰朝鮮王滿都也依水險故曰險瀆

臣瓚曰王險城在樂浪郡領水之東自此是險瀆也師古曰瓚說是也韻音普大反

居就

室偽山室偽水所出北至襄平入梁也

高顯

安市

武次

東部都尉治莽曰拒次

平郭

有鐵官

西安平

莽曰北文莽曰文亭番汗師水出塞外西南入海應劭曰汗水出塞外西南入海番音盤師古曰師音普蓋反汗音

寒沓氏應劭曰氏水也音長沓反師古曰凡言氏者皆謂因之而立名立菟郡武帝元封四年開高

句驪莽曰下句驪屬幽州戶四萬五千六十二萬一

千八百四十五縣三高句驪遼山遼水所出西南至遼隊入大遼水又

有南蘇水西北經塞上外應劭曰故句驪胡上躬台莽曰下躬如淳曰台音鮎師古曰音胎西蓋馬馬音

北入鹽難水西南至西安平入海過樂浪郡武帝元封三年開莽曰樂

郡二行二千一百里莽曰立菟亭鮮屬幽州應劭曰故朝鮮國戶六萬二千八百一十二口四

也師古曰樂音洛浪音狼十萬六千七百四十八有雲縣二十五朝鮮

應劭曰武王封箕子於朝鮮誨邯孟康曰誨音男師古曰沮水水西至增地入海莽曰樂鮮亭師古

日俱音含資帶水西至黏蟬服虔曰遂成增地帶莽曰

昔大反帶方入海

方 駟望 海冥莽曰海桓列口 長岑 屯有

昭明南部都尉治 鏤方 提奚 渾彌師古曰渾音下昆反 吞列分黎山列

水所出西至黏蟬入海行八百二十里 東曉應劭曰音移 不而東部都尉治 蠶台師古曰台音胎

華麗 邪頭昧孟康曰昧音妹 前莫 夫租 南海郡

秦置秦敗尉佗王此地武帝元鼎六年開屬交州 戶萬九千六百一十三口九萬

四千二百五十三有圃羞官 縣六 番禺尉佗都有鹽官如淳曰番禺

音潘禺音愚 博羅 中宿有涯浦官師古曰涯音臣 龍川師古曰裴氏廣州記云李博羅

縣之東鄉也有龍穿地而出即穴依泉因以為號 四會 揭陽莽曰南海亭韋昭曰揭音其逃反師古曰

音竭 鬱林郡故秦桂林郡屬尉佗武帝元鼎六年復更開名有小谿川水七并行三千一百一十里莽

曰鬱平屬交州 戶萬二千四百一十五口七萬一千一百六



十二 縣十二 布山 安廣 阿林 廣鬱

鬱水首受夜郎豚水東至四會入海過郡四行四十里中留師古曰留力救反水名桂林 潭

中莽曰中潭師古臨塵朱涯水入領方又有斤南水又有侵離水行七百里莽曰監塵定周水首

受無斂東入潭行七百九十里增食驩水首受牂柯東界入領方斤負水入

水都尉治師古曰橋音橋雍雞有蒼梧郡武帝元鼎六年開莽曰新廣屬交州有離水關

戶二萬四千三百七十九口十四萬六千一百六

十 縣十 廣信莽曰廣信亭謝沐有高要有鹽封陽

應劭曰在封水之陽臨賀莽曰大賀端谿 馮乘 富川 荔浦有

平關師古曰荔音肆猛陵龍山合水所出南至布山入海莽曰猛陸交止郡武帝置元鼎六年開

州 戶九萬二千四百四十一口七十四萬六千二

百三十七 縣十 羸樓有羞官孟康曰羸音蓮樓音受土婁師古曰樓婁二字並音來

口安定 苟扇師古曰扇與漏同 麋泠都尉治應劭曰麋音彌子康曰音嶮嶺師古曰音麋零

反曲易師古曰易古陽字 比帶 稽徐師古曰稽音古奚反 西于 龍編師古曰編

鞭音朱戴 合浦郡武帝元鼎六年開莽曰桓合屬交州 戶萬五千三百

九十八口七萬八千九百八十 縣五 徐聞

高涼 合浦有關莽臨允牢水北入高要入鬱過郡三百五十里莽曰大允 朱盧

都尉 九真郡武帝元鼎六年開有小水五十二并行八千五百六十里 戶三萬

五千七百四十三口十六萬六千一十三有界關

縣七 胥浦莽曰驩成 居風 都寵應劭曰寵音龍師古曰音聾 餘發

咸驩 無切都尉治 無編莽曰九 日南郡故秦象郡武帝元鼎

六年開更名有小水十六并行三千一百八十里屬交  
州師古曰言其在日之南所謂北戶以向日者 戶萬五千四

百六十口六萬九千四百八十五 縣五 朱吾

比景 如淳曰日中於頭上 盧容 西捲 水入海有竹可爲杖莽

卷師古 象林 趙國 故秦邯鄲郡高帝四年爲趙國景帝三

翼 州戶八萬四千二百二口三十四萬九千九百五

十二 縣四 邯鄲 堵山牛首水所出東入白渠趙蒯侯自

盡也城郭從邑故加 易陽 應劭曰易水出涿郡故 柏人 莽曰壽

邑云師古曰邯音寒 襄國 故邢國西山渠水所出東北至任入滹又有蓼水馮

廣平國 武帝征和二年置爲平干國宣帝 戶二萬七千九

百八十四口十九萬八千五百五十八 縣十六

廣平

張

朝平

南和

列葭水東入瀟師古曰葭音家瀟音斯

列人

莽曰斤章

應劭曰漳水出治北入河其國斤鹵故曰斤章

任

師古曰本晉邑也鄭皇頡奔晉為任大夫

曲周

武帝建元四年置莽曰直周

南曲

曲梁

侯國莽曰直梁

廣鄉

平利

平鄉

陽臺

侯國

廣年

莽曰城鄉

真定國

武帝元鼎四年置屬冀州

戶三

萬七千一百二十六口十七萬八千六百一十六

縣四

真定

故東垣高帝土年更名莽曰思治

藁城

莽曰藁實師古反

繫

故肥子國師古曰繫音力追反

縣曼

新波水首受大白渠東至鄒入河莽曰曼音萬鄒音口亮反

中山國

高帝郡景帝三年為國莽曰常山屬冀州應劭曰中山故國

戶十六萬八百七

十三萬六千八百八十縣十四

盧奴

應劭曰盧水出右北平東入河

北平

徐水東至高陽入博又有盧水亦至高陽入河有鐵官莽曰善和

北新成

桑欽言易水出西北東入滹

莽曰唐堯山在南莽曰和親應劭曰故堯國也唐水在西張晏曰堯

今中深澤莽曰翼和苦陘莽曰北陘應劭曰章帝更名漢昌陘音邪安國莽曰興睦曲逆莽曰蒲陽

水所出東入濡又有蘇水亦東入濡莽曰順平張晏曰濡水於城北曲而西流故曰曲逆章帝醜其名改曰蒲陰在蒲水之陰師古曰濡音乃

官望都博水東至高陽入河莽曰順調張晏曰堯山在新市應劭曰鮮

鮮虞亭是虞子國今新劇母極陸成安險莽曰寧險應

名安景帝二年為廣川國宣帝甘露三年復故莽信都國曰新博屬冀州應劭曰明帝更名樂安安帝

改曰安平戶六萬五千五百五十六口三十萬四千三百

八十四縣十七信都王都故章河故虓池皆在北東

博歷莽曰歷扶柳師古曰闐駟云其地有扶辟陽莽曰樂信師古

南宮莽曰序下下博莽曰閏博應劭曰博武邑莽曰順桓觀津莽曰朔

古曰觀音工喚反高隄師古曰隄音丁奚反廣川師古曰闕駰云其縣中有長河為涑故曰廣川也至隋仁壽元年初

立煬帝為皇太子以避諱故改為長河縣至今為名樂鄉侯國莽曰樂丘平隄侯國桃莽曰桓分西梁

侯昌成侯國莽曰田昌脩莽曰脩治師古曰脩音條河閒國故趙文帝

二年別為國莽曰朔定應劭曰在兩河之間戶四萬五千四十三口十八萬

七千六百六十二縣四樂成庾池別水首受庾池河東至東光入庾池

河莽曰候井武隧莽曰桓隧師古曰隧音遂弓高庾池別河首受庾池河東至平舒入海莽

陸信日樂廣陽國高帝燕國昭帝元鳳元年為廣陽郡宣帝大始元年更為國莽曰廣有戶二

萬七百四十口七萬六百五十八縣四

荊故燕國召公所封莽曰代戎方城廣陽陰鄉莽曰陰順畱川國

故齊文帝十八年別為國後并北海戶五萬二百八十九口二十二萬七

千三十一

縣三

劇

義山裝水所出北至壽光入海莽

東

安平

菟頭山女水出東北至臨淄入鉅定孟康曰紀季以鄆入于齊今鄆亭是也師古曰闕駟云博陵有安平故此加東鄆音攜

橋鄉

○膠東國

故齊高帝元年別爲國五月復屬齊國文帝十六年復爲國莽曰郁秩

戶

七萬二千二口三十二萬三千三百三十一

縣八

即墨

有天室山祠莽曰即善

昌武

下密

有三石山祠應劭曰密水出高密

壯武

莽曰曉武

郁秩

有鐵

挺

觀陽

應劭曰在觀水之陽師古曰觀音工

反鄒盧

莽曰始斯

○高密國

故齊文帝十六年別爲膠西國宣帝本始元年更爲高密國

戶四萬五百三十一口十九萬二千五百三十六

縣五

高密

莽曰章牟

昌安

石泉

莽曰養信

夷安

莽曰原亭應劭曰故

萊夷

成鄉

莽曰順成

○城陽國

故齊文帝二年別爲國莽曰世二陵屬兗州

戶五萬

六千六百四十二口二十萬五千七百八十四

縣四 莒

故國盈姓三十世為楚所滅少昊後有鐵官莽曰莒陵

陽都

應劭曰齊人遷陽故陽國是

東安

慮

莽曰著善

淮陽國

高帝十一年置莽曰新平屬兗州孟康曰孝明帝更名陳

國戶十三萬五千五百四十四口九十八萬一千

四百二十三

縣九

陳

故國舜後胡公所封為楚所滅楚頃襄王自郢徙此莽曰陳陵

苦

莽曰賴陵師古曰晉大康地記云城東有賴鄉祠老子所生地

陽夏

應劭曰夏音賈

寧平

扶溝

師古曰狼音浪湯音徒浪反過音戈又音瓜

固始

師古曰本名霍

丘楚令尹孫叔敖所封地

圉

新平

柘

梁國

故秦碭郡高帝五年為梁國莽曰陳定屬

豫州師古曰以有碭山故名碭郡

戶三萬八千七百九十口十萬六千七

百五十二

縣八

碭

山出文石莽曰節碭應劭曰碭山在東師古曰碭文石也其山出焉故以



名縣陽音唐 故戴國莽曰嘉穀應 杼秋 莽曰子秋師古 蒙

獲水首受出獲渠東北至彭城入泗 己氏 莽曰 虞 莽曰陳 下

邑 莽曰 睢陽 故宋國微子所封禹貢盟諸 東平國 故景

帝中六年別為濟東國武帝元鼎元年為大河 戶十三萬一千

七百五十三口六十萬七千九百七十六 有鐵

縣七 無鹽 有鄉莽曰有鹽 任城 故任國大吳後風 東

平陸 應劭曰古厥國 富城 莽曰 章 亢父 詩亭故詩國

古曰音 樊 魯國 故秦薛郡高后元 戶十一萬八千四

十五口六十萬七千三百八十一 縣六 魯

伯禽所封戶五 卞 泗水西南至方輿入沛過郡三行五百里青州川

萬二千有鐵官 卞 師古曰即春秋僖十七年夫人姜氏會齊侯于卞

者也方與

音房豫

汶陽

莽曰汶亭應劭曰詩曰汶水湯湯師古曰汶水西至胡陵入沛渠應劭曰邾國也音皮師古曰白衰云陳蕃之子為魯相國人為諱改曰皮此說非也郡縣之名土俗各有別稱不必

皆依切故邾國曹姓二十九世為楚所滅嶧山在北莽薛正奚

本字馬曰騶亭應劭曰邾文公遷于嶧山者也音驛仲所國後遷于邾

湯相仲也居之

楚國

高帝置宣帝地節元年更為彭城郡黃龍元年復故莽曰和樂屬徐州

一萬四千七百三十八口四十九萬七千八百四

縣七

彭城

古彭祖國戶四萬一百九十六有鐵官

留

梧

莽曰梧治

傳陽

陽國莽曰輔陽師古曰偏音福

呂

武原

莽曰和

留丘

莽曰善丘

泗水國

故東海郡武帝元鼎四年別為泗水國莽曰水順

戶二萬五千二十五口

十一萬九千一百一十四

縣三

凌

莽曰生麥應劭曰陵水所出南

淮

入

泗陽

莽曰淮

于

莽曰

廣陵國

高帝六年屬荊州十一年更屬吳景

帝四年更名江都武帝元狩三年戶三萬六千七百七十三  
更名廣陵莽曰江平屬徐州

口十四萬七百二十二

有鐵官

縣四

廣陵

江都易王

非廣陵厲王胥皆都此并得  
鄭郡而不得吳莽曰安定

江都

有江水祠渠水首受江北至射陽入湖

高郵

平安

莽曰杜鄉

六安國

故楚高帝元年別為衡山國五年屬淮南文帝十六年復為衡山武帝元狩二年別

為六安國莽曰安風

戶三萬八千三百四十五口十七萬八千

六百一十六

縣五

六

故國阜縣後偃姓為楚所滅如雞水首受沘東北至壽春入芍陂師

古曰泚音匕又音鄙為音鵲

蓼

故國阜縣後為楚所滅

安豐

禹貢大別山在西南莽曰美豐

安風

莽曰安風

亭陽泉

長沙國

秦郡高帝五年為國莽曰嶺蠻屬荊州

戶四萬三千

四百七十口二十三萬五千八百二十五

縣十

三

臨湘

莽曰撫睦應劭曰湘水出零山此師古曰盛弘之荊州記云縣北

帶白水原出豫章艾縣界西流注湘公汨  
連道 益陽

湘山在北應劭  
下雋 攸 郾

承陽 應劭曰承水之陽師古曰承水原出  
湘南 禹貢衡山在昭

陵 茶陵 師古曰茶音弋奢反又丈加反  
容陵 安成

廬水東至廬陵入  
湖漢莽曰用成

本秦京師為內史 師古曰京師天子所都畿內也秦并天下  
改立郡縣而京畿所統特號內史言其在

內以別於諸郡守也 分天下作三十六郡漢興以其郡大大稍

復開置又立諸侯王國武帝開廣三邊故自高祖

增二十六文景各六武帝二十八昭帝一訖於孝

平凡郡國一百三縣邑千三百一十四道三十二

侯國二百四十一地東西九千三百二里南北萬

三千三百六十八里提封田一萬萬四千五百一

十三萬六千四百五頃師古曰提封者大舉其封疆也其一萬萬二百

五十二萬八千八百八十九頃邑居道路山川林

澤羣不可墾其三千二百二十九萬九百四十七

頃可墾不墾定墾田八百二十七萬五百三十六

頃民戶千二百二十三萬三千六十二口五千九

百五十九萬四千九百七十八漢極盛矣凡民函

五常之性師古曰函苞也讀與含同而其剛柔緩急音聲不同繫

水土之風氣故謂之風好惡取舍動靜亡常師古曰好

音呼到反惡  
音一故反

隨君上之情欲故謂之俗孔子曰移風

易俗莫善於樂

師古曰孝經  
載孔子之言

言聖王在上統理人倫

必移其本而易其末此混同天下壹之虛中和然

後王教成也漢承百王之末國土變改民人遷徙

成帝時劉向略言其地分丞相張禹使屬潁川朱

贛條其風俗猶未宣究故輯而論之

師古曰輯  
與集同

終其

本末著于篇秦地於天官東井輿鬼之分壑也其

界自弘農故關以西京北扶風馮翊北地上郡西

河安定天水隴西南有巴蜀廣漢犍為武都西有

金城武威張掖酒泉敦煌又西南有牂柯越雋益

州皆宜屬焉秦之先曰栢益出自顓頊堯時助

禹治水為舜朕虞養育草木鳥獸賜姓嬴氏師古曰

曰栢益一號伯翳蓋歷夏殷為諸侯至周有造父師古曰

讀曰甫善馭習馬得華駟綠耳之乘師古曰華駟言其色

色綠幸于穆王封于趙城故更為趙氏後有非子為

周孝王養馬汧渭之間孝王曰昔伯益知禽獸子

孫不絕廼封為附庸邑之于秦今隴西秦亭秦谷

是也至立孫氏為莊公師古曰氏與是破西戎有其地

子襄公時幽王為犬戎所敗平王東遷維師古曰維邑襄公

將兵救周有功賜受邽豐之地列為諸侯師古曰邽

亦岐字

後八世穆公稱伯以河爲晉

師古曰伯讀曰霸晉讀曰境言其地界東至於河

十餘世孝公用商君制轅田

張晏曰周制三年一易以同美惡商鞅始割列田地開立

阡陌令民各有常制孟康曰三年爰土易居古制也未世浸廢商鞅相秦復立爰田上田不易中田一易下田再易爰自在其田不復易居也食貨志曰自爰其處而已是也轅爰同

開什伯

師古曰南北曰什東西曰伯皆謂開田之疆畝也伯音莫白反

東

雄諸侯子惠公初稱王得上郡西河孫昭王開巴

蜀滅周取九鼎昭王曾孫政并六國稱皇帝負力

怙威燔書院儒自任私智至子胡亥天下畔之故

秦地於禹貢時跨雍梁二州詩風兼秦豳兩國昔

后稷封釐

師古曰釐讀曰郿今武功故城是也

公劉虺豳

師古曰即今豳州栒邑是

大王

徙邠

師古曰今岐山縣是

文王作豐

師古曰今長安西北界靈臺鄉曲水上是

武王治鎬



師古曰今昆明池北鎬陂是 其民有先王遺風好稼穡務本業故

詩言農桑衣食之本甚備師古曰謂七月之詩有鄠杜竹林南

山檀柘號稱陸海為九州膏腴師古曰言其地高陸而饒物產如海之無所不出故

云陸海腹之下肥曰腴故取諭云始皇之初鄭國穿渠引涇水溉田師古曰鄭

國人姓名事具在溝洫志沃野千里師古曰沃即既田也民以富饒漢興

立都長安徙齊諸田楚昭屈景及諸功臣家於長

陵後世世徙吏二千石高訾富人及豪桀并兼之

家於諸陵師古曰訾讀與貲同高訾言多財也蓋亦以彊幹弱支非獨為

奉山園也如淳曰黃圖謂陵冢為山師古曰謂京師為幹四方為支也是故五方雜厝

晉灼曰厝古錯字風俗不純其世家則好禮文富人則商賈

爲利豪桀則游俠通姦瀕南山

師古曰瀕猶邊  
瀕音頻又音賓

近夏

陽

師古曰夏陽即河之西岸  
也今在同州韓城縣界

多阻險輕薄易爲盜賊常

爲天下劇又郡國輻湊浮食者多民去本就末列

侯貴人車服僭上衆庶放效羞不相及

師古曰放依  
也音甫往反

嫁娶尤崇侈靡送死過度天水隴西山多林木民

以板爲室屋及安定北地上郡西河皆迫近戎狄

修習戰備高上氣力以射獵爲先故秦詩曰在其

板屋

師古曰小戎之詩也言襄公出征  
則婦人居板屋之中而念其君子

又曰王于興師修我

甲兵與子偕行

師古曰無衣之詩也言於王之興  
師則修我甲兵而與子俱征伐也

及車轡四

載小戎之篇皆言車馬田狩之事

師古曰車轡美秦仲  
大有車馬其詩曰有

車麟麟有馬白顛四載美襄公田狩也其詩曰四載孔阜六轡在手轎車鸞  
鑣載獵獨橋小戎美襄公備兵甲討西戎其詩曰小戎伐收五蔡良朝文茵  
暢轂駕我騏馬龍盾之合鑿以鰲納麟音隣載音耄轎音猶又音誘敏音  
力瞻反獠音許昭反伐音踐蔡音木馬音霍鑿音沃鰲音玃納音納

漢興六郡良家子選給羽林期門

如淳曰醫商賈百工不  
得豫也師古曰六郡謂

隴西天水安定北地上郡西河  
羽林期門解在百官公卿表

以材力爲官名將多出焉孔子

曰君子有勇而亡詎則爲亂小人有勇而亡詎則

爲盜

師古曰論語載孔  
子對子路之言也

故此數郡民俗質木不恥寇盜

師古曰質木者無  
有文飾如木石然

自武威以西本匈奴昆邪王休屠王

地

師古曰昆音下門反  
休音計刺反屠音除

武帝時攘之

師古曰攘却  
也音人羊反

初置四郡

以通西域南絕南羌匈奴

師古曰南  
與隔同

其民或以關

東下貧或以報怨過當

師古曰過  
其本所殺

或以諄逆亡道

家屬徙焉

師古曰詩亂也惑也音布內反

習俗頗殊地廣民稀水中宜

畜牧

師古曰中古草字

故涼州之畜爲天下饒保邊塞二千

石治之咸以兵馬爲務酒禮之會上下通焉吏民

相親是以其俗風雨時節穀糴常賤少盜賊有和

氣之應賢於內郡此政寬厚吏不苛刻之所致也

巴蜀廣漢本南夷秦并以爲郡土地肥美有江水

沃野山林竹木踈食果實之饒

師古曰踈菜也

南賈貝滇棘

僮

師古曰言滇棘之地多出僮隸也滇音顛棘音蒲北反

西近邛笮馬旌牛

師古曰言邛笮之地出馬及鹿

牛作音村各反

民食稻魚亡凶年憂俗不愁苦而輕易淫佚

柔弱褊阨

師古曰言其材質不彊而心忿陜

景武間文翁爲蜀守教民

讀書法令未能篤信道德反以好文刺譏貴慕權

勢及司馬相如游官京師諸侯以文辭顯於世鄉

黨慕循其迹後有王褒嚴遵楊雄之徒師古曰遵即嚴君平文

章冠天下繇文翁倡其教相如爲之師師古曰繇讀與由同倡始也音

充向反故孔子曰有教亡類師古曰論語載孔子之言言人之性術在所教目無種類武都

地雜氏羌及犍爲牂柯越嶲皆西南外夷武帝初

開置民俗略與巴蜀同而武都近天水俗頗似焉

故秦地天下三分之一而人衆不過什三然量其

富居什六秦函吳扎觀樂爲之歌秦師古曰札吳王壽夢子也來聘魯而

請觀周樂事見左氏傳襄二十九年曰此之謂夏聲師古曰夏中國夫能夏則大大

之至也其周舊乎自并十度至柳三度謂之鷄首

之次秦之分也魏地皆鰲參之分野也師古曰鰲音弋隨反其

界自高陵以東盡河東河內南有陳留及汝南之

召陵潁彊新汲西華長平師古曰召讀曰邵潁音於靳反又音躬潁川之

舞陽鄆許雋陵師古曰鄆音一音反雋音偃河南之開封中牟陽

武酸棗卷師古曰卷音去權反皆魏分也河內本殷之舊都周

既滅殷分其畿內為三國詩風邶庸衛國是也師古曰

曰自紂城而北謂之邶南謂之庸東謂之衛邶音步內反字或作鄆庸字或作鄆邶曰封紂子武庚庸

管叔尹之衛蔡叔尹之以監殷民謂之三監師古曰武庚即

祿父也尹主也管叔蔡叔皆武王之弟故書序曰武王崩三監畔師古曰周書大誥之序

周公誅之盡以其地封弟康叔號曰孟侯師古曰康叔亦武王弟也孟長也言

為諸侯之長以夾輔周室遷邶庸之民于雒邑故邶

庸衛三國之詩相與同風邶詩曰在浚之下師古曰邶風之

詩也浚衛邑也音峻庸曰在浚之郊師古曰干邶又曰亦流于淇

師古曰泉河水洋洋詩無此句庸曰送我淇上師古曰桑中之

詩淇上淇水之上在彼中河師古曰柏舟之詩也中河河中衛曰瞻彼淇奧

師古曰淇奧之詩也河水洋洋師古曰碩人之詩也洋故吳

公子札聘魯觀周樂聞邶庸衛之歌曰美哉淵乎

吾聞康叔之德如是是其衛風乎至十六世懿公

亡道為狄所滅齊桓公帥諸侯伐狄而更封衛於

河南曹楚丘是爲文公

師古曰曹及楚丘二邑名

而河內躬虛更

屬于晉

師古曰躬虛汲郡朝歌縣也虛讀曰墟

康叔之風旣歆而紂之化

猶存故俗剛彊多豪桀侵奪薄恩禮好生分

師古曰生

分謂父母在而昆弟不同財產

河東土地平易有鹽鐵之饒本唐堯所

居詩風唐魏之國也周武王子唐叔在母未生

師古曰謂

懷孕時

武王夢帝謂己

師古曰帝天也

曰余名而子曰虞將與

之唐屬之參

師古曰屬音之欲反參音所林反

及生名之曰虞至成王

滅唐而封叔虞唐有晉水及叔虞子變爲晉侯

云故參爲晉星其民有先王遺教君子深思小人

儉陋故唐詩蟋蟀山樞葛生之篇曰今我不樂日



月其邁

師古曰蟋蟀之詩也邁行也言日月行往將老而死也蟋音悉蟀音率

宛其死矣它人

是媮

師古曰山有樞之詩也媮樂也言已儉吝死亡之後當為它人所樂也媮音媮又音偷樞音甌

百歲之

後歸于其居

師古曰葛生之詩也居謂墳墓也言死當歸于墳墓不能復為樂也

皆思奢儉

之中念死生之慮

師古曰中音竹仲反

吳札聞唐之歌曰思深

哉其有陶唐氏之遺民乎魏國亦姬姓也在晉之

南河曲故其詩曰彼汾一曲

師古曰汾沮如之詩沮音子豫反如音人豫反

寘諸

河之側

師古曰伐檀之詩寘置也音之鼓反

自唐叔十六世至獻公滅魏

以封大夫畢萬

師古曰畢萬畢公高之後魏驪祖父

滅耿以封大夫趙

夙

師古曰趙夙趙衰之兄

及大夫韓武子食采於韓原

師古曰韓武子韓厥

之曾祖也本與周同姓食采於韓史為韓氏此說後史記而釋春秋傳者不同

晉於是始大至于文

公伯諸侯尊周室

師古曰始讀曰霸朝

始有河內之土

師古曰左氏傳所謂始啓

南陽者

吳札聞魏之歌曰美哉

颯颯乎

師古曰颯颯自也言其中庸可與

爲善可與爲惡也颯音馮

以德輔此則明主也文公後十六世爲韓

魏趙所滅三家皆自立爲諸侯是爲三晉趙與秦

同祖韓魏皆姬姓也自畢萬後十世稱侯至孫稱

王徙都大梁故魏一號爲梁七世爲秦所滅

周地柳七星張之分野也今之河南雒陽穀成平

陰偃師鞏緱氏是其分也昔周公營雒邑以爲在

于土中諸侯蕃屏四方

師古曰言雒陽四面皆有諸侯爲蕃屏

故立京師

至幽王淫褒姒以滅宗周子平王東居雒邑其後

五伯更帥諸侯以尊王室

師古曰伯讀曰霸解在刑法志更互也音工衡反

故周

於三代最為長久八百餘年至於王赧乃為秦所

兼初雒邑與宗周通封畿

韋昭曰通在二封之地共千里也師古曰宗周鎬京也方八百里八

八六十四為方百里者六十四也雒邑成周也方六百里六六三十六為方百里者三十六都得百里者百方千里也故詩云邦畿千里東

西長而南北短短長相覆為千里至襄王以河內

賜晉文公又為諸侯所侵故其分隰小

師古曰隰古地字

周

人之失巧偽趨利貴財賤義高富下貧害急為商

賈不好仕官

師古曰急音許吏反

自柳三度至張十二度謂之

鷄火之次周之分也

韓地角亢氏之分野也韓分晉得南陽郡及潁川

之父城定陵襄城潁陽潁陰長社陽翟邲

師古曰邲音工

洽反即今邲城縣是也

東接汝南西接弘農得新安宜陽皆韓分

也及詩風陳鄭之國與韓同星分焉鄭國今河南

之新鄭本高辛氏火正祝融之虛也

師古曰虛讀曰墟後皆類此

及

成皐滎陽潁川之崇高陽城皆鄭分也本周宣王

弟友爲周司徒食采於宗周畿內是爲鄭

師古曰即今之華陰

縣鄭桓公問於史伯曰王室多故何所可以逃死

史伯曰四方之國非王母弟甥舅則夷狄不可入

也其濟洛河潁之間乎

師古曰濟音子禮反

子男之國虢會爲

大

師古曰會讀曰鄆字或作檜檜國在豫州外方之北滎播之南溱洧之間如姓之國

恃勢與險宗侈

貪冒

師古曰冒蒙也蔽於義理

君若寄帑與賄周亂而敝必將背

君

師古曰帑讀與擎同謂妻子也

君以成周之衆奉辭伐罪亡不克矣

公曰南方不可乎對曰夫楚重黎之後也黎爲高

辛氏火正昭顯天地以生柔嘉之材姜嬴荆芊實

與諸姬代相干也

師古曰代遞也干犯也

姜伯夷之後也嬴伯

益之後也伯夷能禮於神以佐堯伯益能儀百物

以佐舜

師古曰儀與宜同宜安也

其後皆不失祠而未有興者周

衰將起不可偏也桓公從其言乃東寄帑與賄虢

會受之後三年幽王敗桓公死其子武公與平王

東遷卒定虢會之地右雒左沛食湊洧焉

師古曰湊洧二水也

湊音臻  
消音鮪

土陘而險山居谷汲男女亟聚會

師古曰亟屢也音丘吏反

故其俗淫鄭詩曰出其東門有女如雲

師古曰出其東門之詩東門鄭

之東門也如雲言其衆多而往來不定

又曰湊與消方灌灌兮士與女方秉

管兮恂盱且樂惟士與女伊其相謔

師古曰湊消之詩也灌灌水流通也

管蘭也恂信也盱大也伊惟也謔戲言也謂仲春之月二水流盛而士與女執芳草於其間以相贈遺信大樂矣惟以戲謔也灌音胡貴反音景效止

其風也吳札聞鄭之歌曰美哉其細已甚民弗

堪也是其先亡乎

臣瓚曰謂音聲細弱也此衰弱之徵

自武公後二十三

世爲韓所滅陳國今淮陽之地陳本大吳之

虛周武王封舜後嫪滿於陳是爲胡公妻以元女

大姬婦人尊貴好祭祀用史巫故其俗巫鬼陳詩

曰坎其擊鼓宛丘之下亡冬亡夏值其路焉羽師古曰宛丘之

詩也坎坎擊鼓聲四方高中央下曰宛丘值立也鷺鳥之羽以爲翽立之而舞以事神也無冬無夏言其恒也

又曰東門之枌宛

丘之枌子仲之子婆娑其下

師古曰東門之枌之詩也東門陳國之東門也枌白榆也

枌子也子仲陳大夫之氏也婆娑舞兒也亦言於枌枌之下歌舞以娛神也枌音扶云反枌音許羽反子音神汝反

此其風也

吳札聞陳之歌曰國亡主其能久乎

師古曰言政由婦人不以君爲主也

自胡公後二十三世爲楚所滅陳雖屬楚於天文

自若其故潁川南陽本夏禹之國夏人上忠其敝

鄙朴韓自武子後七世稱侯六世稱王五世而爲

秦所滅秦旣滅韓徙天下不軌之民於南陽

師古曰不軌不

循法度者故其俗夸奢上氣力好商賈漁獵藏匿難制

御也宛西通武關東受江淮一都之會也宣帝時

鄭弘召信臣為南陽太守

師古曰召讀曰邵

治皆見紀信臣

勸民農桑去末歸本郡以殷富潁川韓都士有申

子韓非刻害餘烈

師古曰申子申不害也烈業也

高仕官好文法民以

貧遘爭訟生分為失

師古曰遘與吝同

韓延壽為太守先之

以節讓黃霸繼之教化大行獄或八年亡重罪囚

南陽好商賈召父富以本業

師古曰召父謂召信臣也勸其務農以致富

潁

川好爭訟分異黃韓化以篤厚君子之德風也小

人之德草也信矣

師古曰論語載孔子之言也曰君子之德風小人之德草也草上之風必偃言從教而化

自東井六度至亢六度謂之壽星之次鄭之分野



與韓同分

趙地昴畢之分壅趙分晉得趙國北有信都真定

常山中山又得涿郡之高陽鄭州鄉

師古曰鄭音莫

東有

廣平鉅鹿清河河間又得渤海郡之東平舒中邑

文安東州成平章武河以北也南至浮水繁陽內

黃斥丘西有大原定襄雲中五原上黨上黨本韓

之別郡也遠韓近趙後卒降趙皆趙分也自趙夙

後九世稱侯四世敬侯徙都邯鄲至曾孫武靈王

稱王五世爲秦所滅趙中山地薄人衆猶有沙丘

紂淫亂餘民

晉灼曰言地薄人衆猶復有沙丘紂淫地餘民丈通徐之於淫風而言之也不說沙丘在中山也

夫相聚游戲悲歌慷慨起則椎剽掘冢師古曰椎殺人而剽劫之

也椎音直追反其字從木作姦巧多弄物為倡優女子彈

弦跕躑游媚富貴徧諸侯之後宮如淳曰跕音蹠足之蹠躑音寢目瓚曰躑跟為

跕挂指為躑師古曰跕音它類反躑字與躑同疑謂小履之無跟者也跕謂輕躑之也邯鄲北通燕涿南有

鄭衛漳河之間一都會也其土廣俗雜大率精急

高氣執輕為姦大原上黨又多晉公族子孫以詐

力相傾務矜功名報仇過直師古曰直亦當也嫁取送死奢

靡師古曰取讀曰娶其下並同漢興號為難治常擇嚴猛之將

或任殺伐為威父兄被誅子弟怨憤至告訐刺史

二千石師古曰訐面相平罪也音居刈反又居謁反或報殺其親屬鍾代石北

迫近胡寇

如淳曰鍾所在未聞石山險之限在上曲陽

民俗懞忤

臣瓚曰懞音異今北土名疆直為懞

中師古曰懞疆也攸堅也音章鼓反

好氣為女不事農商自全晉時已患

其剽悍

師古曰剽急也輕也悍勇也剽音頻妙反又疋妙反悍音胡旦反

而武靈王又益厲

之故冀州之部盜賊常為它州劇定襄雲中五原

本戎狄地頗有趙齊衛楚之徙

師古曰言四國之人被遷徙來居之

其民

鄙朴少禮文好射獵鴈門亦同俗於天文別屬燕

燕地尾箕分壑也武王定殷封召公於燕其後三

十六世與六國俱稱王東有漁陽右北平遼西遼

東西有上谷代郡鴈門南得涿郡之易容城范陽

北新城故安涿縣良鄉新昌及勃海之安次皆燕

分也樂浪立菟亦宜屬焉燕稱王十世秦欲滅六

國燕王太子丹遣勇士荆軻西刺秦王不成而誅

秦遂舉兵滅燕燕南通齊趙勃碣之間一都會也

師古曰薊縣燕之所都也勃勃海也碣碣石也初太子丹賓養勇士不愛後宮美

女民化以爲俗至今猶然賓客相過以婦侍宿嫁

取之夕男女無別反以爲榮後稍頗止然終未改

其俗愚悍少慮輕薄無威亦有所長敢於急人

如淳

曰赴人之急燕丹遺風也上谷至遼東地廣民希數

被胡寇俗與趙代相類有魚鹽棗栗之饒北隙烏

丸如淳曰有怨隙也或曰隙隙也師古曰訓隙是也烏丸本東胡也爲冒頓所滅餘類保烏丸山因以爲號夫餘在長城之

此去立萬千  
里夫讀曰扶

東西見具番之利立苑樂浪武帝時置皆

朝鮮濊貉句驪蠻夷

師古曰驪音穢字  
或作濊其音同

殷道衰箕子

去之朝

羊師古曰史記云武王伐紂封  
箕子於朝鮮與此不同

教其民以禮義田

蠶織作樂浪朝鮮民犯禁八條

師古曰八  
條不具見

相殺以當

時償殺相傷以穀償相盜者男没入為其家奴

女子為婢欲自贖者人五十萬雖免為民俗猶

羞之嫁取無所讎

師古曰讎匹也  
一日讎讀曰售

是以其民終不相

盜無門戶之閉婦人貞信不淫辟

師古曰辟  
讀曰僻

其田民

飲食以籩豆

師古曰以竹曰籩以木曰豆  
若今之槃也藥音其弟反

都邑頗放效吏

及內郡賈人往往以杯器食

師古曰都邑之人頗用杯器  
者效吏及賈人也故音甫往

反郡初取吏於遼東吏見民無閉臧及賈人往者

夜則爲盜俗稍益薄今於犯禁示寤多至六十餘條

可貴哉仁賢之化也然東夷天性柔順異於三方

之外師古曰三方謂南西北也故孔子悼道不行設浮於海欲居九

夷有以也師古曰論語稱孔子曰道不行乘桴浮於海從我者其由也與言欲乘桴筏而適東夷以其國有仁賢之化可

以行道也桴音孚筏音伐夫樂浪海中有倭人分爲百餘國以歲

時來獻見云如淳曰如墨委面在帶方東南萬里百瑣曰倭是國名不謂用墨故謂之委也師古曰如淳云如墨

委面蓋音委字耳此音非也倭音一戈反今猶有倭國魏略云倭在帶方東南大海中依山島爲國度徧千里復有國皆倭種自

危四度至斗六度謂之析木之次燕之分也齊地

虛危之分壑也東有甬川東萊瑯邪高密膠東南

有泰山城陽北有千乘清河以南勃海之高樂高

城重合陽信西有濟南平原皆齊分地少昊之世

有爽鳩氏虞夏時有季荊師古曰荊音仕力反湯時有逢公柏

陵殷末有薄姑氏皆為諸侯國此地至周成王時

薄姑氏與四國共作亂成王滅之以封師尚父是

為大公師古曰武王封大公於齊初未得爽鳩之地成王以益之也詩風齊國是也臨淄

名營丘故齊詩曰子之營兮遭我虞虢之間分古師

曰齊國風營詩之辭也毛詩作還齊詩作營之往也曲辰山名也字或作雍亦作囂音皆乃高反言往適營丘而相逢於囂山也又曰

竢我於著乎而師古曰齊國風著詩之辭也著地名即濟南郡著縣也乎而語助也一日門屏之間曰著音直

反庶此亦其舒緩之體也吳札聞齊之歌曰泱泱乎

大風也哉

師古曰泱泱弘大之意也音烏即反

其大公乎國未可量也古

有分土亡分民

師古曰有分土者謂立封疆也無分人者謂通往來不常厥居也

大公以齊

地負海舄鹵少五穀而人民寡

師古曰舄鹵解在食貨志

廼勸以

女工之業通魚鹽之利而人物輻湊後十四世桓

公用管仲設輕重以富國

師古曰解在食貨志

合諸侯成伯功

師古曰伯讀曰霸

身在陪臣而取三歸

師古曰三歸三姓之女

故其俗彌

侈織作冰紈綺繡純麗之物

如淳曰紈白熟也純緣也謂條組之屬也麗好也臣瓚曰

冰紈紈細密堅如冰者也純麗溫純美麗之物也師古曰如說非也冰謂布帛之細其色鮮潔如冰者也純素也綺文繒也即今之所謂細綾

也純精好也麗華靡也純音九純音傳

號為冠帶衣履天下

師古曰言天下之人冠帶衣履皆仰

齊初大公治齊修道術尊賢智賞有功故至今



其土多好經術矜功名舒緩闊達而足智其失夸

奢朋黨言與行繆虛詐不情

師古曰不可得其情

急之則離散

緩之則放縱始桓公兄襄公淫亂姑姊妹不嫁於

是令國中民家長女不得嫁名曰巫兒爲家主祠

嫁者不利其家民至今以爲俗痛乎道民之道可

不慎哉

師古曰上道讀曰導

昔大公始封周公問何以治齊大

公曰舉賢而上功周公曰後世必有篡殺之臣其

後二十九世爲彊臣田和所滅而和自立爲齊侯

初和之先陳公子完有罪來奔諱

師古曰公子完陳厲公之子也左氏傳魯

莊二十二年陳人殺其太子禦寇公子完與顓孫奔齊蓋禦寇之黨也

齊桓公以爲大夫更稱

田氏九世至和而篡齊至孫威王稱王五世為秦

所滅臨淄海岱之間一都會也其中具五民云度服

曰士農工商賈也如淳曰遊子樂其俗不復歸故有五方之民也師古曰如說是

魯地奎婁之分壑也東至東海南有泗水至淮得

臨淮之下相睢陵僮取慮皆魯分也師古曰睢音雖取音趨又音秋慮音

閭周興以少昊之虛曲阜封周公子伯禽為魯侯

師古曰少昊金天氏之帝以為周公主師古曰主周公之祭祀其民有聖人之教

化故孔子曰齊一變至於魯魯一變至於道言近

正也師古曰魯庶幾至道齊又不如魯也瀕洙泗之水師古曰言所居皆邊於一水也瀕音頻又音賓其

民涉度幼者扶老而代其任師古曰任負戴也俗既益薄長

老不自安與幼少相讓故曰魯道衰洙泗之間斷

斷如也

師古曰斷斷分辨之意也音牛斤反

孔子閔王道將廢廼修六經

以述唐虞三代之道弟子受業而通者七十有七

人是以其民好學上禮義重廉恥周公始封大

公問何以治魯周公曰尊尊而親親大公曰後世

寤弱矣

師古曰言漸微弱也

故魯自文公以後祿去公室政在

大夫季氏逐昭公陵夷微弱三十四世而爲楚所

滅然本大國故自爲分豎今去聖久遠周公遺化

銷微孔氏庠序衰壞地陝民衆頗有桑麻之業亡

林澤之饒俗儉嗇愛財趨商賈好些毀多巧僞

師古曰以言相毀  
曰訾訾音子爾反

喪祭之禮文備實寡然其好學猶愈

於它俗

師古曰  
愈勝也

漢興以來魯東海多至卿相東平須

昌壽良皆在濟東屬魯非宋地也當考

師古曰當考  
者言當更考

要之其  
事未審

宋地房心之分壑也今之沛梁楚山陽濟陰東平

及東郡之須昌壽張皆宋分也周封微子於宋今

之睢陽是也本陶唐氏火正閼伯之虛也濟陰定

陶詩風曹國也武王封弟叔振鐸於曹其後稍大

得山陽陳留二十餘世爲宋所滅昔堯作游成陽

如淳曰作起也成陽在定陶今有堯冢靈  
臺師古曰作游者言爲宮室遊止之處也

舜漁雷澤

師古曰漁  
捕魚也雷

古雷湯止于亳故其民猶有先王遺風重厚多君

子好稼穡惡衣食以致畜藏師古曰畜讀曰蓄宋自微子二

十餘世至景公滅曹滅曹後五世亦為齊楚魏所

滅參分其地魏得其梁陳留齊得其濟陰東平

楚得其沛故今之楚彭城本宋也春秋經曰圍宋

彭城宋雖滅本大國故自為分野沛楚之失急疾

顓己地薄民貧師古曰顓與專同急疾顯己言性褊狹而自用而山陽好為姦盜

衛地營室東壁之分壑也今之東郡及魏郡黎陽

河內之野王朝歌皆衛分也衛本國既為狄所滅

師古曰衛懿公為狄人所滅事在春秋閔公二年文公徙封楚丘三十餘年子成

公徙於帝丘故春秋經曰衛遷于帝丘

師古曰遷今古遷字

今

之濮陽是也本顓頊之虛故謂之帝丘夏后之世

昆吾氏居之成公後十餘世爲韓魏所侵盡亡其

旁邑獨有濮陽後秦滅濮陽置東郡徙之於野王

始皇既并天下猶獨置衛君二世時乃廢爲庶人

凡四十世九百年最後絕故獨爲分野衛地有桑

間濮上之阻

師古曰阻者言其隱阨得肆淫僻之情也

男女亦亟聚會聲色

生焉

師古曰亟屢也音丘吏反

故俗稱鄭衛之音周末有子路夏

育民人慕之

師古曰子路孔子弟子仲由也性好勇夏育亦古之壯士皆衛人

故其俗剛武

上氣力漢興二千石治者亦以殺戮爲威宣帝時

前漢地理志卷之十一  
韓延壽爲東郡太守承聖恩崇禮義尊諫爭至今  
東郡號善爲吏延壽之化也其失頗奢靡嫁取送  
死過度而野王好氣任俠有濮上風

楚地翼軫之分壑也今之南郡江夏零陵桂陽武  
陵長沙及漢中汝南郡盡楚分也周成王時封文  
武先師鬻熊之曾孫熊繹於荊蠻爲楚子居丹陽  
後十餘世至熊達是爲武王寤以彊大

師古曰  
寤漸也

後五

世至嚴王總帥諸侯觀兵周室并吞江漢之間內  
滅陳魯之國後十餘世頃襄王東徙于陳楚有江  
漢川澤山林之饒江南地廣或火耕水耨民食魚

稻以漁獵山伐爲業

師古曰山伐謂伐山取竹木

果蓏羸蛤食物

常足

師古曰羸音來戈反蛤音閣似蟬而圓

故此羸媮生而亡積聚

應劭曰此

弱也言風俗朝夕取給媮生而已無久長之慮也如淳曰此或作紫

音紫羸音庾晉灼曰此病也羸惰也師古曰諸家之說皆非也此短也

羸弱也言短力弱材不能勤作故

朝夕取給而無儲蓄也如音是也

飲食還給不憂凍餓

師古

曰還及也言常相及而給足也

亦亡千金之家信巫鬼重淫祀而漢中

淫失枝柱與巴蜀同俗

師古曰失讀曰佚柱音竹甫反枝柱言意相節卻不順從也

汝

南之別皆急疾有氣執江陵故郢都西通巫巴東

有雲夢之饒亦一都會也

吳地斗分壑也今之會稽九江丹楊豫章廬江

廣陵六安臨淮郡盡吳分也殷道旣衰周大王亶



父興邾梁之地長子大伯次日仲雍少曰公季公

季有聖子昌大王欲傳國焉大伯仲雍辭行采藥

遂奔荆蠻公季嗣位至昌爲西伯受命而王故孔

子美而稱曰大伯可謂至真也已矣三以天下讓

民無得而稱焉謂虞仲夷逸隱居放言身中清廢

中權

師古曰比皆論語載孔子之言也虞仲即仲雍也夷逸言竄於蠻夷而遁逸也隱居而不言故其身清絜所廢中於權道

大伯初奔荆蠻荆蠻歸之號曰句吳

師古曰句音鉤夷俗語之發聲

也亦猶越爲千越也

大伯卒仲雍立至曾孫周章而武王克殷

因而封之又封周章弟中於河北是爲北吳

師古曰中

仲讀曰

後世謂之虞吳十二世爲晉所滅後二世而荆

蠻之吳子壽夢盛大稱王其少子則季札有賢材

兄弟欲傳國札讓而不受自大伯壽夢稱王六世

闔廬舉伍子胥孫武爲將戰勝攻取興伯名於諸

侯

師古曰伯讀曰霸

至子夫差誅子胥用宰嚭

師古曰嚭音彼美反

爲粵

王句踐所滅吳粵之君皆好勇故其民至今好用

劍輕死易發粵旣并吳後六世爲楚所滅後秦又

擊楚徙壽春至子爲秦所滅壽春合肥受南北湖

皮革鮑木之輸

師古曰皮革犀兕之屬也鮑鮑魚也木楓排豫章之屬

亦一都會也

始楚賢臣屈原被讒放逐作離騷諸賦以自傷悼

師古曰諸賦謂九歌天問九章之屬

後有宋玉唐勒之屬慕而述之皆以

顯名漢興高祖王兄子濞於吳招致天下之娛游

子弟枚乘鄒陽嚴夫子之徒興於文景之際而淮

南王安亦都壽春招賓客著書而吳有嚴助朱

買臣貴顯漢朝文辭並發故世傳楚辭其失巧而

少信初淮南王異國中民家有女者

晉灼曰有女者見優異

以

待游士而妻之故至今多女而少男

如淳曰得女寵或去男也呂瓚曰周

官職方云楊州之民二男而五女此風氣非由淮南王安能使多女也師古曰二說皆非也志亦言土地風氣既足女矣因淮南之化又更聚

焉本吳粵與楚接比數相并兼

師古曰比近也音頻寐反

故民俗

略同吳東有海鹽章山之銅三江五湖之利亦江

東之一都會也豫章出黃金然其重董物之所有取

之不足以更費

應劭曰董董少也更必損也言金少耳取不足用  
顯費用也師古曰應說非也此言所出之金既

以少矣自外諸物蓋亦不多故摠言取  
之不足償功直也董讀曰僅更音庚

江南卑濕丈夫多天

會稽海外有東鯤人

孟康曰音題晉灼曰音  
親師古曰孟音是也

分為二十

餘國以歲時來獻見云

粵地牽牛婺女之分

壑也今之蒼梧鬱林合浦交趾九真南海日南皆

粵分也其君禹後帝少康之庶子云封於會稽臣

曰自交趾至會稽七八千里百越雜處各有種姓不得盡云少康之後

也案世本越為芊姓與楚同祖故國語曰芊姓蔓越厥則越非禹後明

矣又芊姓之越亦句踐之後不謂南越也師古曰越之為號其來尚矣

少康封庶子以主禹祠君於越地可故此志云其君禹後豈謂百越之

人皆禹苗裔

文身斷髮以避蛟龍之害

應劭曰常在水中  
故斷其髮文其身

以象龍子故  
不見傷害也

後二十世至句踐稱王與吳王闔廬戰

敗之雋李

師古曰雋音醉字本作雋其旁從木

夫差立句踐乘勝復伐吳

吳大破之棲會稽

師古曰會稽山名登山而處以避兵難言若鳥之棲

臣服請平後

用范蠡大夫種計遂伐滅吳兼并其地度淮與齊

晉諸侯會致貢於周周元王使使賜命爲伯諸侯

畢賀後五世爲楚所滅子孫分散君服於楚

師古曰事楚爲

君而服從之

後十世至閩君搖佐諸侯平秦漢興復立搖

爲粵王是時秦南海尉趙佗亦自王傳國至武帝

時盡滅以爲郡云處近海多犀象毒冒珠璣銀

銅果布之湊

韋昭曰果謂龍眼離支之屬布葛布也師古曰韋音代冒音莫內反璣謂珠之不圓者也音祈又音機布

謂諸雜細布皆是也

中國往商賈者多取富焉番禺其一都會

也自合浦徐聞南入海得大州東西南北方千里

武帝元封元年略以為儋耳珠厓郡民皆服布如

單被穿中央為貫頭師古曰著時從頭而貫之男子耕農種禾稻

紵麻女子桑蠶織績亡馬與虎民有五畜師古曰牛羊豕雞犬

山多麋麋師古曰麋似鹿而大麋京似鹿而小麋音主麋京音京兵則矛盾刀木弓弩

竹矢或骨為鏃師古曰鏃矢鋒音子木反自初為郡縣吏卒中國人

多侵陵之故率數歲壹反元帝時遂罷弃之自日

南障塞徐聞合浦船行可五月有都元國又船行

可四月有邑盧沒國又船行可二十餘日有諶離

國師古曰諶音士林反步行可十餘日有夫甘都盧國師古曰都盧國之勤

捷善緣高故張衡西京賦云鳥獲扛鼎都盧尋橦  
又曰非都盧之輕矯孰能超而究外也夫音扶

自夫甘都盧

國船行可二月餘有黃支國民俗略與珠厓相

類其州廣大戶口多多異物自武帝以來皆獻見

有譯長屬黃門與應募者俱入海市明珠璧流離

奇石異物賸黃金雜繒而往所至國皆烹食爲耦

師古曰稟給也耦嬾也給其食而侶嬾之相隨行也蠻夷賈船轉送致之亦利交易

剽殺人

師古曰剽劫也音頻妙反

又苦蓬風波溺死不者數年來

還大珠至圍二寸以下平帝元始中王莽輔政欲

耀威德厚遺黃支王令遣使獻生犀牛自黃支

船行可八月到皮宗船行可二月到日南象林界

云黃支之南有已程不國漢之譯使自此還矣

地理志卷第八下





溝洫志卷第九

應劭曰溝廣四尺深四尺洫廣深倍於溝師古曰洫音許城反

班固漢書光

祕書監上護軍琅邪縣開國子顏

師古注

夏書禹堙洪水十三年

如淳曰堙沒也師古曰堙塞也洪永化溢疏通而止塞之堙音因

過

家不入門陸行載車水行乘舟泥行乘犂

孟康曰犂形如箕

行泥上如淳曰犂音茅莖之莖謂以板置泥上以通行路也師古曰孟說是也犂讀如本字

山行則楫

如淳曰楫謂以鐵如

錐頭長半寸施之履下以上山不蹉跌也韋昭曰楫木器如今輿牀人舉以行也師古曰如說是也楫音居足反

以別九州

師古曰隨山浚川師古曰順山之

任土作貢

師古曰任其土地所有以定貢賦之

分其界通九道陂九澤度九山

師古曰言通九州之道及鄭過其澤商度其山也度音大各反

然河災之羨溢害中國也尤甚

師古曰羨讀與衍同音弋戰反

唯是

為務故道河自積石

師古曰道治也引也從積石山而治引之令通流也道讀曰導

歷龍

門南到華陰東下底柱

師古曰底音之履反

及盟津雒内至于

大伾

鄭氏曰山一成爲伾在脩武武德界張曼曰成皐縣山是也臣贊以爲今脩武武德無此山也成皐縣山又不一成也今黎陽

山臨河豈是乎師古曰内讀曰納伾音皮彼反解在地理志

於是禹以爲河所從來者

高水湍悍難以行平地

師古曰急流曰湍悍勇也湍音它端反

數爲敗廼

釃二渠以引其河

孟康曰釃分也分其流泄其怒也二渠其一比貝立西南南折者也其一則漯川也

河自王莽時遂空唯用漯耳師古曰釃音山支反漯音它合反

北載之高地過降水至於大

陸播爲九河

師古曰播布也

同爲迎河入于勃海

臣瓚以爲禹貢夾右碣石

入于河則河入海乃在碣石也武帝元光二年河移徙東郡更注勃海禹時不注也師古曰解在地理志

九川既疏九

澤既陂諸夏乂安

師古曰疏分流

功施乎三代自是之後榮

陽下引河東南爲鴻溝以通宋鄭陳蔡曹衛與

濟汝淮泗會於楚西方則通渠漢川雲夢之際東

方則通溝江淮之間於吳則通渠三江五湖於齊

則通淄濟之間於蜀則蜀守李冰鑿離堆晉灼曰離堆字也

崖岸也師古曰音丁回反避沫水之害師古曰沫音本末之末沫水出蜀西南徼外東南入江穿二

江成都中此渠皆可行舟有餘則用漑師古曰漑灌也音王代反百

姓饗其利至於它往往引其水用漑田溝渠甚多

然莫足數也魏文侯時西門豹為鄴令有令名師古

曰有善政之稱至文侯曾孫襄王時與羣臣飲酒王為羣臣

祝曰今吾臣皆如西門豹之為人臣也史起進曰

魏氏之行田也以百畝師古曰賦田之法一夫百畝也鄴獨二百畝是

田惡也漳水在其旁西門豹不知用是不智也知

而不興是不仁也仁智豹未之盡何足法也於是

以史起爲鄴令遂引漳水溉鄴以富魏之河內民

歌之曰鄴有賢令兮爲史公決漳水兮灌鄴旁終

古烏鹵兮生稻梁蘇林曰終古猶言久古也爾雅曰鹵鹹苦也師古曰烏即斥鹵也謂鹹鹵之地也其

後韓聞秦之好興事欲罷之無令東伐如淳曰息秦滅韓之計也師古

曰罷罷讀曰疲令其疲勞不能出兵耳廼使水工鄭國閒說秦師古曰閒音居

鑿涇水自中山西邸瓠口爲渠師古曰中讀曰仲即今九

並北山東往洛三百餘里師古曰並音步浪反洛水即馮翊漆沮水欲以溉

田中作而覺師古曰中作謂用功中道事未竟也秦欲殺鄭國鄭國曰始

臣爲間然渠成亦秦之利也臣爲韓延數歲之命而爲秦建萬世之功秦以爲然卒使就渠渠成而用旣注填閼之水旣舄鹵之地四萬餘頃收皆畝

一鍾

師古曰注引也闕讀去於同音於據反填於謂雜泥也言引於淋濁之水灌鹵鹵之田更令肥美故一畝之收至六斛四斗於

是關中爲沃野無凶年秦以富彊卒并諸侯因名

曰鄭國渠漢興三十有九年孝文時河決酸棗東

潰金隄

師古曰潰橫使也金隄河隄名也在東郡白馬界隄音丁奚反

於是東郡大興卒塞

之其後三十六歲孝武元光中河決於瓠子東南

注鉅野

師古曰鉅野澤名舊屬兗州界即今之鄆州鉅野縣

通於淮泗上使汲黯

鄭當時興人徒塞之輒復壞是時武安侯田蚡

爲丞相其奉邑食鄒鄒居河北

師古曰奉音扶用反鄒音輸清河之縣也

河

決而南則鄒無水災邑收入多蚡言於上曰江河

之決皆天事未易以人力彊塞彊塞之未必應天

而望氣用數者亦以爲然是以久不復塞也時鄭

當時爲大司農言異時關東漕粟從渭上

師古曰異時往時也

度六月罷

師古曰計度其功六月而後可罷也度音大各反

而渭水道九百餘里

時有難處引渭穿渠起長安旁南山下

師古曰旁音步浪反

至

河三百餘里徑易

師古曰徑直也易音弋鼓反

漕度可令三月罷罷

而渠下民田萬餘頃又可得漑此損漕省卒而

益肥關中之地得穀上以爲然令齊人水工徐伯

表

師古曰巡行穿渠之處而表記之今之豎標是

發卒數萬人穿漕渠一歲而

通以漕大便利其後漕稍多而渠下之民頗得以

溉矣後河東守番係

師古曰姓番名係也番音普安反

言漕從山東

西歲百餘萬石

師古曰謂從山東運漕而西入關也

更底柱之艱

師古曰更歷也

庚敗亡甚多而煩費穿渠引汾溉皮氏汾陰下

引河溉汾陰蒲坂下

師古曰引汾水可用溉皮氏及汾陰以下而引河水可用溉汾陰及蒲坂以下以形

所宜也

度可得五千頃故盡河堧棄地

師古曰謂河岸以下緣河逐地素不

耕墾者也堧音而緣反

民焚牧其中耳

師古曰焚乾草也謂收焚草及牧畜產於其中焚音交

今

溉田之

師古曰溉而種之

度可得穀二百萬石以上穀從渭

上與關中無異

師古曰雖從關外而來於渭水運上皆可致之故曰與關中收穀无異也

而底柱



之東可毋復漕上以爲然發卒數萬人作渠田數

歲河移徙渠不利田者不能償種

師古曰言所收之直不足償糧種之費也

種音之

勇反

久之河東渠田廢予越人令少府以爲稍入

如淳曰時越人有徙者以田与之其租稅入少府也師古曰越人習於水田又漸至未有業故与之也稍漸也其入未多故謂之稍也

其

後人有上書欲通褒斜道及漕

師古曰褒斜二谷名其谷皆各自有水耳斜音

弋奢反

事下御史大夫張湯湯問之言抵蜀從故

道故道多阪回遠

師古曰抵至也故道屬武都有赤夷故曰道即今鳳州界也回音胡內反

今

穿褒斜道少阪近四百里而褒水通沔斜水通渭

皆可以行船漕漕從南陽上沔入褒褒絕水至斜

間百餘里以車轉從斜下渭如此漢中穀可致而

山東從沔無限便於底柱之漕且褒斜材木竹箭

之饒凝於巴蜀師古曰凝北也上以為然拜湯子卬為漢中

守發數萬人作褒斜道五百餘里道果便近而水

多湍石不可漕其後嚴熊言臨晉民願穿洛以漑

重泉以東萬餘頃故惡地師古曰臨晉重泉皆馮翊之縣也洛即漆沮水誠即

得水可令畝十石於是為發卒萬人穿渠自徵引

洛水至商顏下應劭曰徵在馮翊商顏山名也師古曰徵音懲即今所謂澄城也商顏商山之顏也謂之

顏者豈言之顏顏也亦猶山領象人之頸領岸善崩如淳曰洛水岸也師古曰善崩言意崩也乃鑿井

深者四十餘丈往往為井井下相通行水水隤以

絕商顏師古曰下流曰隤東至山領十餘里間井渠之生自

三  
前漢書  
五  
大德

此始穿得龍骨故名曰龍首渠作之十餘歲渠頗

通猶未得其饒自河決瓠子後二十餘歲歲因以

數不登而梁楚之地尤其上既封禪巡祭山川其

明年乾封少雨師古曰乾音干解在郊祀志上廼使汲仁郭昌發

卒數萬人塞瓠子決河於是上以用事萬里沙蹟

還自臨決河淇白馬玉壁師古曰淇讀曰沈沈馬及壁以禮水神也令羣

臣從官自將軍以下皆負薪實決河師古曰實音大千反是

時東郡燒草以故薪柴少而下淇園之竹以為楨

晉灼曰淇園衛之苑也如淳曰樹竹塞水決之口稍稍布插按樹之水稍弱補令密謂之楨以草塞其表乃以土填之有石以石為之師

古曰楨音其偃反上既臨河決悼功之不成廼作歌曰瓠子

決兮將奈何浩浩洋洋慮殫為河

如淳曰殫盡也師古曰浩浩洋洋皆

水盛貌慮猶恐也浩音胡老反洋洋音羊

殫為河兮地不得寧功無已時兮

吾山平

如淳曰恐水漸山使平也韋昭曰鑿山以填河師古曰韋說是也已止也言用功多不可畢止也

吾

山平兮鉅野溢

如淳曰鉅子決灌鉅野澤使溢也

魚弗鬱兮柏冬日

孟康曰鉅野滿溢則眾魚弗鬱而滋長追冬日乃止也師古曰孟說非也弗鬱憂不樂也水長涌溢滋濁不清故魚不樂又迫於冬日將其困也柏讀與迫同弗音佛

正道施兮離常流

晉灼曰言河道皆施壞

蛟龍

騁兮放遠游歸舊川兮神哉沛

臣瓚曰水還舊道則羣害消除神祐

傍沛也師古曰沛音普大反

不封禪兮安知外

師古曰言不因巡狩封禪而出則不知關外有

皇謂河公兮何不仁

張晏曰皇武帝也

泛濫不止兮

愁吾人齧桑浮兮淮泗滿

如淳曰齧桑邑名為水所浮漂

又不反兮

水維緩

師古曰水維水之綱維也

一曰河湯湯兮激潏潏

師古曰歌有二

章自河湯湯以下更是其一故云一曰也湯湯疾貌也潏潏激流也湯音傷潏音仕連反潏音干權反

北渡回

兮迅洑難

師古曰迅疾也音訊

蹇長焚兮湛美玉

如淳曰蹇取也焚草也音

郊一曰焚竿也取長竿樹之用著石間以塞決河也臣瓚曰竹革絙謂之焚也所以引置土石也師古曰瓚說是也蹇拔也絙索也湛美

玉者以祭河也焚字宜從竹舉音蹇筴音交又音交湛讀曰沈絙音工登反

河公許兮薪不屬

如淳曰早燒故薪不足也師古曰沈玉禮神見許福枯但以薪不屬速故無功也屬音之欲反

薪不屬兮衛

人罪

師古曰東郡本衛地故言此衛人之罪也

燒蕭條兮噫乎何以御水

師古曰燒草皆盡故野蕭條然也噫乎歎辭也噫音於期反

隤林竹兮捷石菑

師古曰隤林竹者即

上所說下淇園之竹以為捷也石菑者謂重石立之然後以土就填塞也菑亦雨耳音側其反義與插同

宣防塞兮

萬福來於是卒塞瓠子築宮其上名曰宣防而

道河北行二渠復禹舊迹

師古曰道讀曰導

而梁楚之地

復寧無水災自是之後用事者爭言水利朔方

西河河西酒泉皆引河及川谷以溉田而關中靈

軹成國漳渠

如淳曰地理志靈軹渠成國渠名在陳倉漳音韋水出韋谷

引諸川

汝南九江引淮東海引鉅定

臣瓚曰鉅定澤名也

泰山下引

汶水

師古曰汶音問

皆穿渠為溉田各萬餘頃它小渠及

陂山通道者不可勝言也

師古曰陂山因山之形也道引也陂音彼義反道讀曰導一曰

陂山過山之流以爲陂也音彼皮反

自鄭國渠起至元鼎六年百三十六

歲而兒寬為左內史奏請穿鑿六輔渠

師古曰在鄭國渠之裏今

尚謂之輔渠亦曰六渠也

以益溉鄭國傍高仰之田

師古曰素不得鄭國之溉灌者也仰

謂上向也  
讀曰仰

上曰農天下之本也泉流灌漑所以育五

穀也

師古曰濡  
古履字

左右內史地名山川原其衆細民未

知其利故爲通溝瀆畜陂澤

師古曰畜  
讀曰蓄

所以備旱

也今內史稻田租挈重不與郡同

師古曰租挈收田租  
之約令也郡謂四方

諸郡也挈  
音苦計反

其議減令吏民勉農盡地利平繇行水勿

使失時

師古曰平繇者均齊渠堰之力  
役謂俱得水利也繇讀曰徭

後十六歲大始二

年趙中大夫白公

鄭氏曰白姓公爵時人多相謂爲公師古  
曰此時無公爵也蓋相呼尊老之稱耳

復奏穿渠引涇水首起谷口尾入櫟陽

師古曰谷口即  
今雲陽縣治谷

是注渭中袤二百里

師古曰袤  
長也音茂

溉田四千五百餘頃

因名曰白渠民得其饒歌之曰田於何所池陽谷

口鄭國在前白渠起後

師古曰鄭國興於秦時故云前

舉甬爲雲決

渠爲兩

師古曰甬鑿也所以開渠者也

涇水一石其泥數斗且漑且糞

長我禾黍

如淳曰水溽於泥可以當糞

衣食京師億萬之口言此兩

渠饒也是時方事匈奴興功利言便宜者甚衆齊

人延年上書

師古曰史不得其姓

言河出昆侖經中國注勃海

是其地勢西北高而東南下也可案圖書觀地形

令水工準高下開大河上領

晉灼曰上領山頭也

出之胡中

東注之海如此關東長無水災北邊不憂匈奴可

以省隄防備塞士卒轉輸胡寇侵盜覆軍殺將暴

骨原野之患天下常備匈奴而不憂百越者以其



水絕壤斷也此功宣成萬世大利書奏上壯之報

曰延年計議甚深然河迺大禹之所道也師古曰道讀曰導

聖人作事爲萬世功通於神明恐難改更自塞宣

房後河復北決於館陶分爲屯氏河師古曰屯音大門反而隨室分析州

縣誤以爲毛氏河乃置毛州失之甚矣東北經魏郡清河信都勃海入海

廣深與大河等故因其自然不隄塞也此開通後

館陶東北四五郡雖時小被水害而兗州以南六

郡無水憂宣帝地節中光祿大夫郭昌使行河北

曲三所水流之勢皆邪直貝丘縣師古曰直營田也恐水盛

隄防不能禁廼各更穿渠直東經東郡界中不令

北曲渠通利百姓安之元帝永光五年河使清河

靈鳴犢口

師古曰清河之靈縣鳴犢口也

而屯氏河絕成帝初清河都

尉馮遂

師古曰遂音七旬反

奏言郡承河下流與兗州東郡

分水為界城郭所居尤卑下土壤輕脆易傷頃所

以闊無大害者以屯氏河通兩川分流也

師古曰闊稀也

今

屯氏河塞靈鳴犢口又益不利獨一川兼受數河

之任雖高增隄防終不能泄如有霖雨旬日不霽

必盈溢

師古曰兩止曰霽音子計反又才詁反

靈鳴犢口在清河東界

所在處下雖令通利猶不能為魏郡清河減損

水害禹非不愛民力以地形有執故穿九河今既

滅難明屯氏河不流行七十餘年新絕未久其處

易浚

師古曰浚調治道之令其深也浚音峻

又其口所居高於以分流殺衆

力道里便宜可復浚以助大河泄暴水備非常又  
地節時郭昌穿直渠後三歲河水更從故第二曲  
間北可六里復南合今其曲勢復邪直具丘百姓  
寒心宜復穿渠東行不豫修治北決病四五郡南  
決病十餘郡然後憂之晚矣事下丞相御史白博  
士許商治尚書書為筭能度功用

師古曰白白於天子也度音大各反

遣

行視

師古曰行音下更反

以為屯氏河盈溢所為方用度不足

師古曰言國家少財役也

可且勿浚後三歲河果決於館陶及東

郡金隄泛濫充豫八平原千乘濟南凡灌四郡三

十二縣水居地十五萬餘頃深者三丈壞敗官亭

室廬且四萬所御史大夫尹忠對方略䟽闊上切

責之忠自殺遣大司農師古曰大司農各非調也調均錢穀

河決所灌之郡師古曰令其調發均平錢穀遭謁者二

人發河南以東漕船五百艘師古曰一船為一艘音徒先勞反其字從木

民避水居丘陵九萬七千餘口河隄使者王延世

使塞師古曰命其為使而塞河也華陽國志云延世字長叔據為賢中也以竹落長四丈大

九圍盛以小石兩船夾載而下之三十六日河隄

成上曰東郡河決流漂二州校尉延世隄防三百

立塞其以五年爲河平元年卒治河者爲著外繇

六月

如淳曰律說戍邊一歲當罷若有急當留守六月今以卒治河之故復留六月孟康曰外繇戍邊也治水不復戍邊

也師古曰如孟二說皆非也以卒治河有勞雖執役曰近皆得比繇戍六月也著謂著於簿籍也著音竹助反下云非受平賈爲著

外繇其義亦同

惟延世長於計策功費約省用力日寡朕

甚嘉之其以延世爲光祿大夫秩中二千石賜爵

關內侯黃金百斤後二歲河復決平原流入濟南

千乘所壞敗者半建始時復遣王延世治之杜欽

說大將軍王鳳以爲前河使丞相史楊焉言延世

受焉術以塞之蔽不肯見今獨任延世延世見前

塞之易恐其慮害不深又審如焉言延世之巧反

不如焉且水執各異不博議利害而任一人如使

不及今冬成來春桃華水盛必羨溢有填淤反

壤之害

師古曰月令仲春之月始雨水桃始華蓋能方華時既有雨水川谷氷泮衆流猥集波瀾盛長故謂之桃華水

耳而韓詩傳云三月桃華水反壤者水塞不通如此數郡種故令其土壤反還也羨音弋繕反淤音於庶反

不得下

師古曰種五穀之子也音之勇反

民人流散盜賊將生雖重誅

延世無益於事宜遣焉及將作大匠許商諫大夫乘

馬延年雜作

孟康曰乘馬姓也師古曰乘音食證反

延世與焉必相破壞

深論便宜以相難極

師古曰壤毀也音怪極窮也音居力反

商延年皆明

計筭能商功利

師古曰商度也

足以分別是非擇其善而從

之必有成功鳳如欽言白遣焉等作治六月廼成

復賜延世黃金百斤治河卒非受平賈者為署外

繇六月

蘇林曰平賈以錢取人作卒顧其時庸之平賈也如淳曰律說平賈一月得錢二千師古曰賈音價

後

九歲鴻嘉四年楊焉言從河上下患底柱隘可鑿

廣之

師古曰鑿謂務鑿之也音子全反

上從其言使焉鑿之鑿之裁沒

水中不能去而令水益湍怒為害甚於故是歲勃

海清河信都河水溢溢灌縣邑三十一

師古曰溢踊也音普頓反

敗官亭民舍四萬餘所河隄都尉許商與丞相

史孫禁共行視圖方略

師古曰圖謀也行音下更反

禁以為今河

溢之害數倍於前決平原時今可決平原金隄間

開通大河令入故篤馬河

韋昭曰在平原縣

至海五百餘里

水道浚利又乾三郡水地得美田且二十餘萬頃  
足以償所開傷民田廬處又省吏卒治隄救水歲  
三萬人以上許商以爲古說九河之名有徒駭胡  
蘇古津今見在成平東光界中師古曰此九河之三也徒駭在成平胡蘇  
在東光鬲津在鬲成平東光屬勃海鬲屬平原徒駭者言禹治此  
河用功極衆故人徒驚駭也胡蘇下洙急疾之貌也鬲津言其隘  
小可鬲以爲津而自鬲度也鬲與鬲同以北至徒駭間相去二百餘里

今河雖數移徙不離此域孫禁所欲開者在九河  
南篤馬河失水之迹處執平夷旱則淤絕水則爲  
敗不可許公卿皆從商言先是谷永以爲河中國  
之經瀆師古曰聖王興則出圖書王道廢則竭絕



今潰溢橫流漂沒陵阜異之大者也修政以應之  
災變自除是時李尋解光亦言陰氣盛則水爲之  
長故一日之間晝減夜增江河滿溢所謂水不潤  
下雖常於卑下之地猶日月變見於朝望明天道  
有因而作也衆庶見王延世蒙重賞競言便巧  
不可用議者常欲求索九河故迹而穿之今因其  
自使可且勿塞以觀水執河欲居之當稍自成川  
跳出沙土然後順天心而圖之必有成功而用財  
力寡於是遂止不塞滿昌師丹等數言百姓可哀  
上數遣使者處業振贍之

師古曰處業謂安處之使得其居業

哀帝初

平當使領河隄

師古曰為使而領其事

奏言九河今皆實滅按

經義治水有決河深川

師古曰決分泄也深浚治也

而無隄防雍塞

之文

師古曰雍讀曰壅

河從魏郡以東北多溢決水迹難以

分明四海之眾不可誣宜博求能浚川跡河者下

丞相孔光大司空何武奏請部刺史三輔三河弘

農太守舉吏民能者莫有應書待詔賈讓奏言

治河有上中下策古者立國居民疆理土地必遺

川澤之分度水執所不及

師古曰遺留也度計也言川澤水所係聚之處皆留而置之不以為

居邑而妄墾殖必計水所不及然後居而田之也分音扶間反度音大各反

大川無防小水得入

陂障卑下以為汙澤

師古曰汙水曰汙音一胡反

使秋水多得有所

休息左右游波寬緩而不迫夫土之有川猶人之

有口也治土而防其川猶止兒啼而塞其口豈不

遽止然其死可立而待也師古曰遽速也音其庶反故曰善為川

者決之使道師古曰道讀曰道導通引也善為民者宣之使言蓋

隄防之作近起戰國雍防百川各以自利師古曰雍讀曰雍

齊與趙魏以河為竟師古曰音讀曰境趙魏瀕山齊地卑下

師古曰瀕山猶言以山為邊界也瀕音頻又音賓作隄去河二十五里河水東抵

齊隄則西泛趙魏趙魏亦為隄去河二十五里雖

非其正水尚有所遊盪盪時至而去則填淤肥美民

耕田之或久無害稍築室宅遂成聚落大水時至

漂沒則更起隄防以自救稍去其城郭排水澤而

居之湛溺自其宜也

師古曰湛讀曰沈

今隄防陜者去水數

百步遠者數里近黎陽南故大金隄從河西西北行

至西山南頭廼折東與東山相屬

師古曰屬連及也音之欲反

民

居金隄東爲廬舍住十餘歲更起隄從東山南頭

直南與故大隄會又內黃界中有澤方數十里環

之有隄

師古曰環繞也

往十餘歲太守以賦民

師古曰以隄中之地給兩民

民今起廬舍其中此臣親所見者也東郡白馬故

大隄亦復數重民皆居其間從黎陽北盡魏界故

大隄去河遠者數十里內亦數重此皆前世所排

也河從河內北至黎陽爲石隄激使東抵東郡平

剛

師古曰激者聚石於隄旁衝要之處所以激去其水也激音工歷反

又爲石隄使西北抵

黎陽觀下

師古曰觀縣名也音工喚反

又爲石隄使東北抵東郡

津北又爲石隄使西北抵魏郡昭陽又爲石隄激

使東北百餘里間河再西三東迫阨如此不得安

息今行上策徙冀州之民當水衝者決黎陽遮害

亭放河使北入海河西薄大山東薄金隄執不能

遠泛濫暮月自定難者將曰若如此敗壞城郭曰

廬冢墓以萬數百姓怨恨昔大禹治水山陵當路

者毀之故鑿龍門辟伊闕

師古曰辟讀曰闕闕開也

析底柱破碣

石

師古曰  
析分也

墮斷天地之性

師古曰墮毀也音火規反

此廼人功所

造何足言也今瀕河十郡治隄歲費且萬萬及

其大決所殘無數如出數年治河之費以業所徙

之民遵古聖之法定山川之位使神人各處其所

而不相奸

師古曰  
奸音干

且以大漢方制萬里豈其與水爭

咫尺之地哉此功一立河定民安千載無患故謂

之上策若廼多穿漕渠於冀州地使民得以溉田

分殺水怒雖非聖人法然亦救敗術也難者將曰

河水高於平地歲增隄防猶尚決溢不可以開渠

臣竊按視遮害亭西十八里至淇水口廼有金隄

高一丈自是東地稍下隄稍高至遮害亭高四五

丈往五六歲河水大盛增丈七尺壞黎陽南郭門

入至隄下

如淳曰然則隄在郭內也臣瓚曰謂水從郭南門入北門出而至隄也師古曰瓚說是也

水未

踰隄二尺所從隄上北望河高出民屋百姓皆走

上山水留十三日隄潰吏民塞之臣循隄上

行視水勢

師古曰行音下更反

南七十餘里至淇口水適至隄

半計出地上五尺所今可從淇口以東為石隄多

張水門初元中遮害亭下河去隄足數十步至今

四十餘歲適至隄足由是言之其地堅矣恐議者

疑河大川難禁制滎陽漕渠足以下之

如淳曰今礫谿口是也言

作水門通水流不爲害也師古曰礫谿谿名即水經所云沛水東過礫谿者

其水門但用木與

土耳今據堅地作石隄軌必亨安異州渠首盡當

叩此水門治渠非穿地也

師古曰叩音牛向反

但爲東方一隄

北行三百餘里入漳水中其西因山足高地諸渠

皆往往股引取之

如傳曰股支別也

旱則開東方下水門溉

異州水則開西方高門分河流通渠有三利不通

有三害民常罷於救水半失作業

師古曰此一害也罷讀曰疲

水

行地上湊潤上徹民則病溼氣木皆立枯鹵不生

穀

師古曰此二害

決溢有敗爲魚鼈食此三害也若有渠

溉則鹽鹵下隰填淤加肥

師古曰此一利

故種禾麥更爲秔



稻高田五倍下田十倍

師古曰此二利也杭謂稻之不粘者也音庚

轉漕舟

船之便此三利也今瀕河隄吏卒郡數千人伐買

薪石之費歲數千萬足以通渠成水門又民利其

溉灌相率治渠雖勞不罷

師古曰罷讀曰疲

民田適治河隄

亦成此誠富國安民興利除害支數百歲故謂之

中策若廼繕完故隄增卑倍薄勞費無已數逢

其害此最下策也王莽時徵能治河者以百數其

大略異者長水校尉平陵關並

師古曰桓譚新論云並字子陽材智通達也

言河決率常於平原東郡左右其地形下而土疏

惡聞禹治河時本空此地以爲水猥盛則放溢

師古

曰猥多也

少稍自索

師古曰索盡也音先各反

雖時易處猶不能離

此上古難識近察秦漢以來河決曹衛之域其南

北不過百八十里者可空此地勿以爲官亭民室

而已大司馬史長安張戎

師古曰新論云字仲功習漑灌事也

言水性就

下行疾則自刮除成空而稍深河水重濁號爲一

石水而六斗泥今西方諸郡以至京師東行民皆

引河渭山川水漑田春夏乾燥少水時也故使河

流逢貯淤而稍淺雨多水暴至則溢決而國家數

隄塞之稍益高於平地猶築垣而居水也可各順

從其性毋復灌漑則百川流行水道自利無溢決

之害矣御史臨淮韓牧

師古曰新論云字子台善水事

以為可略於

禹貢九河處穿之縱不能為九但為四五宜有益

大司空掾王橫

師古曰橫字平中琅邪人見儒林傳中讀曰仲

言河入勃海勃

海地高於韓牧所欲穿處往者天嘗連雨東北風

海水溢西南出浸數百里九河之地已為海所漸

矣

師古曰漸浸也讀如本字又音子廉反

禹之行河水本隨西山下東北

去

師古曰行謂通流也

周譜云定王五年河徙

如淳曰譜音補世統譜誤也

則

今所行非禹之所穿也又秦攻魏決河灌其都使

處遂大不可復補宜卻徙完平處更開空

師古曰空猶穿

使緣西山足乘高地而東北入海廼無水災沛郡

桓譚爲司空掾典其議爲甄豐言凡此數者必有

一是宜詳考驗皆可豫見計定然後舉事費不過

數億萬亦可以事諸浮食無產業民

師古曰事謂役使也

空居

與行役同當衣食衣食縣官而爲之作廼兩便

師古

曰言無產業之人端居無爲及發行力役俱須衣食耳今縣官給其衣食而使修治河水是爲公私兩便也

可以上

繼禹功下除民疾王莽時但崇空語無施行者

贊曰古人有言微禹之功吾其魚乎

師古曰左氏傳載周大夫劉定

公之辭也言無禹治水之功則天下之人皆爲魚鼈耳

中國川原以百數莫著於四

瀆而河爲宗孔子曰多聞而志之知之次也

師古曰論語稱

孔子之言曰多聞擇其善者而從之多見而志之知之次也志記也字亦作識音式異反

國之利害故備

論其事

溝洫志卷第九

藝文志卷第十

班固

漢書三十

祕書監上護軍琅邪縣開國子顏

注

昔仲尼沒而微言絕

李奇曰隱微不顯之言也師古曰精微要妙之言耳

七十子喪

而大義乖

師古曰七十子謂弟子達者七十二人舉其成數故言七十

故春秋分為五

韋昭曰謂左氏公羊穀梁鄒氏夾氏也

詩分為四

韋昭曰謂毛氏齊魯韓

易有數家之

傳戰國從衡真偽分爭

師古曰從音子容反

諸子之言紛然散

亂

師古曰散難也

至秦患之乃燔滅文章以愚黔首

師古曰燔燒也秦謂

人為黔首言其頭黑也燔音扶元反黔音其炎反又音琴

漢興改秦之敗大收篇籍廣

開獻書之路迄孝武世書缺簡脫禮壞樂崩

師古曰編

絕散落故簡脫脫音吐活反

聖上喟然而稱曰

師古曰喟歎息貌也音丘位反

朕甚

閔焉於是建藏書之策

如淳曰劉歆七略曰外則有太常太史博士之藏內則有延閣廣內

祕室之府

置寫書之官下及諸子傳說皆充祕府至成

帝時以書頗散亡使謁者陳農求遺書於天下詔

光祿大夫劉向校經傳諸子詩賦步兵校尉任宏

校兵書太史令尹咸校數術

師古曰占卜之書

侍醫李柱國

校方技

師古曰醫藥之書也

每一書已

師古曰已畢也

向輒條其篇目

撮其指意錄而奏之

師古曰撮摭取也音干括反

會向卒哀帝復

使向子侍中奉車都尉歆卒父業

師古曰卒終也

歆於是總

羣書而奏其七略故有輯略

師古曰輯與集同謂諸書之摭要

有六藝

略

師古曰六藝六經也

有諸子略有詩賦略有兵書略有術數

略有方技略今刪其要以備篇籍師古曰刪去浮冗取其指要也其每略所

條家及篇數有與摠凡不同者轉寫脫誤年代久遠無以詳知

易經十二篇施孟梁丘三家師古曰上下經又十翼故十二篇易傳周

氏二篇字王孫也服氏二篇師古曰劉向別錄云服氏齊人號服光楊氏二篇何

字叔元蔡公二篇衛人事周王孫韓氏二篇名嬰王氏二篇名同丁

氏八篇名寬字元襄梁人也古五子十八篇自甲子至壬子說易陰陽淮南道

訓二篇淮南王安聘明易者九人號九師說古雜八十篇雜災異三十五

篇神輸五篇圖師古曰劉向別錄云神輸者王道失則災害生得則四海輸之祥瑞孟氏京

房十一篇災異孟氏京房六十六篇五鹿充宗略

說三篇京氏段嘉十二篇蘇林曰東海人為博士晉灼曰儒林不見師古曰蘇說是也嘉



即京房所從受易者也  
見儒林傳及劉向別錄

章句施孟梁丘氏各二篇

凡易十三家二百九十四篇

易曰宓戲氏仰

觀象於天俯觀法於地觀鳥獸之文與地之宜近

取諸身遠取諸物於是始作八卦以通神明之德

以類萬物之情

師古曰下繫之辭也鳥獸之文  
謂其迹在地者必讀與伏同

至于殷周之

際紂在上位逆天暴物文王以諸侯順命而行道

天人之占可得而效於是重易六爻作上下篇孔

氏爲之彖象繫辭文言序卦之屬十篇故曰易道

深矣人更三聖

韋昭曰伏羲文王孔子師  
古曰更經也音工衡反

世歷三古

孟康曰  
易繫辭

曰易之興其於中古乎然則伏羲  
爲上古文王爲中古孔子爲下古

及秦燔書而易爲筮卜之

事傳者不絕漢興田何傳之訖于宣元有施孟梁丘京氏列於學官而民間有費高二家之說師古曰費音扶

丘京氏列於學官而民間有費高二家之說師古曰費音扶

未劉向以中古文易經校施孟梁丘經師古曰中者天反劉向以中古文易經校施孟梁丘經子之書也言中

或脫去無咎悔亡唯費氏經與古文同

尚書古文經四十六卷凡五十七篇師古曰孔安國書序云凡五十九篇為四十六卷漢詔作傳

經二十九卷大夏侯二家歐陽經三

傳四十一篇歐陽章句三十一卷十一卷師古曰此二

大小夏侯章句各二十九卷大小夏侯解故二十

九篇歐陽說義二篇劉向五行傳記十一卷許商

五行傳記一篇周書七十一篇周史記師古曰劉向云周時諸誓號令也蓋孔

五百四十一 前漢書卷之十一

子所論百篇之餘也今議奏四十二篇宣帝時石渠論韋昭曰閣名也於此論書

凡書九家四百一十二篇言入者謂七略之外班氏新入

之也其云出者與此同易曰河出圖雒出書聖人則之師古曰上繫之辭也

故書之所起遠矣至孔子纂焉孟康曰纂音撰上斷於堯

下訖于秦凡百篇而為之序言其作意秦燔書

禁學濟南伏生獨壁藏之漢興亡失求得二十九

篇以教齊魯之間訖孝宣世有歐陽大小夏侯氏

立於學官古文尚書者出孔子壁中師古曰家語云孔騰字子襄畏

秦法峻急藏尚書孝經論語於夫子舊堂壁中而武帝末魯

共王壞孔子宅欲以廣其宮而得古文尚書及禮

記論語孝經凡數十篇皆古字也共王往入其宅  
聞鼓琴瑟鍾磬之音於是懼乃止不壞孔安國者  
孔子後也悉得其書以考二十九篇得多十六篇  
師古曰舜中書多以考見行世二十九篇之外更得十六篇安國獻之遭巫蠱事未列于  
學官劉向以中古文校歐陽大小夏侯三家經文  
酒誥脫簡一召誥脫簡一師古曰召讀曰邵率簡二十五字  
者脫亦二十五字簡二十二字者脫亦二十二字  
文字異者七百有餘脫字數十書者古之號今號  
令於衆其言不立真則聽受施行者弗曉古文讀  
應爾雅故解古今語而可知也

詩經二十八卷魯齊韓三家

應劭曰申公作魯詩后蒼作齊詩韓嬰作韓詩魯

故二十五卷

師古曰故者通其指義也它皆類此今流俗毛詩改故訓傳爲詁字失其旨

魯說

二十八卷齊后氏故二十卷齊孫氏故二十七卷

齊后氏傳二十九卷齊孫氏傳二十八卷齊雜記

十八卷韓故三十六卷韓內傳四卷韓外傳六卷

韓說四十一卷毛詩二十九卷毛詩故訓傳三十

卷 凡詩六家四百一十六卷書曰詩言志歌

詠言

師古曰虞書舜典之辭也在心爲志發言爲詩詠者永也永長也歌所以長言之

故哀樂之心

感而歌詠之聲發誦其言謂之詩詠其聲謂之歌

故古有采詩之官王者所以觀風俗知得失自考

正也孔子純取周詩上采邠下取魯凡三百五篇  
遭秦而全者以其諷誦不獨在竹帛故也漢興魯  
申公爲詩訓故而齊轅固燕韓生皆爲之傳或取  
春秋采雜說咸非其本義與不得已魯最爲近之  
師古曰與不得已者言皆不得已也三家皆列於學官又有

毛公之學自謂子夏所傳而河間獻王好之未得立

禮古經五十六卷經七十篇后氏戴氏記百三十一篇

七十子後學明堂陰陽三十三篇古明堂之遺事王史氏二十

篇七十子後學者師古曰劉向別錄云六國時人也曲臺后倉九篇如淳曰行禮射於曲臺后

倉爲記故名曰曲臺記漢官曰大射于曲臺中庸說二篇師

晉灼曰天子射官也西京無太學於此行禮也

曰今禮記有中庸一篇亦非本禮經蓋此之流

明堂陰陽說五篇周官經六篇

王莽時劉歆置博士師古曰即今之周官禮也亡其冬官以考工記充之

周官傳四篇軍禮司馬

法百五十五篇古封禪羣祀二十二篇封禪議對

十九篇

武帝時也

漢封禪羣祀三十六篇議奏三十八

篇

石渠

凡禮十三家五百五十五篇

入司馬法一家

易曰有夫

婦父子君臣上下禮義有所錯

師古曰序卦之辭也錯置也音干故反

而

帝王質文世有損益至周曲爲之防事爲之制

古師

曰委曲防閑每事爲制也

故曰禮經三百威儀三千

韋昭曰周禮三百六十官也三百舉成數

也臣瓚曰禮經三百謂冠婚吉凶周禮三百是官名也師古曰禮經三百韋說是也威儀三千乃謂冠婚吉凶蓋儀禮是

及周

之衰諸侯將踰法度惡其害已皆滅去其籍自

孔子時而不具至秦大壞漢興魯高堂生傳士

禮十七篇訖孝宣卅后倉最明戴德戴聖慶普

皆其弟子三家立於學官禮古經者出於魯淹中

蘇林曰里名也

及孔氏學七十篇文相似多三十九篇及明

堂陰陽王史氏記所見多天子諸侯卿大夫之制

雖不能備猶喻倉等推士禮而致於天子之說

師古

曰俞與愈同愈勝也

樂記二十三篇王禹記二十四篇雅

歌詩四篇雅琴趙氏七篇

名定勃海人宣帝時丞相魏相所奏

雅琴師

氏八篇

名中東海人傳言師曠後

雅琴龍氏九十九篇

名德梁人師古曰劉向別



錄云亦魏相所奏也與趙定俱召見待詔後拜為侍郎

凡樂六家百六十五篇

出淮南劉向等琴頌七篇

易曰先王作樂崇德殷薦之上帝以享

祖考

師古曰豫卦象辭也殷盛也

故自黃帝下至三代樂各有名

孔子曰安上治民莫善於禮移風易俗莫善於樂

師古曰孝經載孔子之言

二者相與並行周衰俱壞樂尤微眇以

音律為節

師古曰眇細也言其道精微節在音律不可具於書眇亦讀曰妙

又為鄭衛所

亂故無遺法漢興制氏以雅樂聲律世在樂官頗

能紀其鏗鏘鼓舞而不能言其義

師古曰鏗音初衡反

六國之

君魏文侯最為好古孝文時得其樂人竇公

師古曰桓譚新

論云竇公年百八十歲兩目皆盲文帝奇之問曰何因至此對曰臣年十三失明父母哀其不及眾技教鼓琴臣導引無所服餌

獻

其書乃周官大宗伯之大司樂章也武帝時河間

獻王好儒與毛生等共采周官及諸子言樂事者

以作樂記獻八佾之舞與制氏不相遠其內史丞

王定傳之以授常山王禹禹成帝時爲謁者數言

其義師古曰數音所角反獻二十四卷記劉向校書得樂記二

十三篇與禹不同其道篇以益微師古曰篇漸也春秋古經

士篇經十卷公羊穀梁二家左氏傳三十卷左丘明公

羊傳十二卷公羊子齊人師古曰名高穀梁傳十二卷穀梁子魯人師古曰名喜鄒

氏傳十一卷夾氏傳十卷有錄無書師古曰夾音類左氏微二

篇師古曰微謂釋其微指鐸氏微三篇楚大傳鐸也張氏微十篇

篇師古曰微謂釋其微指鐸氏微三篇楚大傳鐸也張氏微十篇

虞氏微傳二篇趙相公羊外傳五十篇穀梁外

傳二十篇公羊章句三十八篇穀梁章句三十三篇

公羊雜記八十二篇公羊顏氏記十二篇公羊董仲舒

治獄十六篇議奏三十九篇石渠論國語二十篇左丘明著新國

語五十四篇劉向分世本十五篇古史官記黃帝以來

戰國策三十三篇記春秋後奏事二十篇秦時大臣奏

山文楚漢春秋九篇陸賈所記太史公百三十三篇十篇有

馮商所續太史公七篇常昭曰馮商受太史公十

高師古曰七略云商陽陵人治易事五鹿充宗後

事劉向能屬文後與孟柳俱待詔頗序列傳未卒

病死太古以來年紀二篇漢著記百九十卷古師

曰若今之起居注漢大年紀五篇

凡春秋二十三家九百四十八篇省太史公四世篇古之王者

世有史官君舉必書所以慎言行昭法式也左史

記言右史記事事為春秋言為尚書帝王靡不同

之周室既微載籍殘缺仲尼思存前聖之業乃稱

曰夏禮吾能言之杞不足徵也躬禮吾能言之宋

不足徵也文獻不足故也足則吾能徵之矣師古曰論語載

孔子之言也徵成也獻賢也孔子自謂能言夏殷之禮而杞宋之君文章賢材不足以成之故我不得成此禮也以魯周

公之國禮文備物史官有法故與左丘明觀其史

記據行事仍人道師古曰仍亦因也因興以立功就敗以成

四十一  
前漢書卷之十一  
罰假日月以定歷數藉朝聘以正禮樂有所褒諱

貶損不可書見口授弟子弟子退而異言師古曰謂人執所見

各不同也丘明恐弟子各安其意以失其真故論本事而

作傳明夫子不以空言說經也春秋所貶損大人

當世君臣有威權勢力其事實皆形於傳是以隱

其書而不宣所以免時難也及末世口說流行故

有公羊穀梁鄒夾之傳四家之中公羊穀梁立於

學官鄒氏無師夾氏未有書論語古二十一一篇出

子鮮中兩子張如淳曰分堯曰篇後子張問何如可以從政已下為篇名曰從政齊二十二篇多問王知

問王知道魯二十篇傳十九篇師古曰解釋齊說二十

皆篇名也

九篇魯夏侯說二十一篇魯安昌侯說二十一篇

師古曰張禹也

魯王駿說二十篇

師古曰王吉子

燕傳說三卷議奏

十八篇

石渠論

孔子家語二十七卷

師古曰非今所有家語

孔子

三朝七篇

師古曰今大戴禮有其一篇蓋孔子對魯哀公語也三朝見公故曰三朝

孔子徒人

圖法二卷

凡論語十二家二百二十九篇論

語者孔子應荅弟子時人及弟子相與言而接聞

於夫子之語也當時弟子各有所記夫子既卒門

人相與輯而論纂故謂之論語

師古曰輯與集同纂與撰同

漢興

有齊魯之說傳齊論者昌邑中尉王吉少府宋

畸

師古曰畸音居宜反

御史大夫貢禹尚書令五鹿充宗膠東

庸生唯王陽名家

師古曰王吉字子陽故謂之王陽

傳魯論語者常山

都尉龔奮長信少府夏侯勝丞相韋賢魯扶卿前

將軍蕭望之安昌侯張禹皆名家張氏最後而行

於世

孝經古孔氏一篇

二十二章師古曰劉向云古文字也庶人章分為二也

子敢問章為三又多一章凡二十二章

孝經一篇

十八章長孫氏江氏后氏翼氏四家

孫氏

說二篇江氏說一篇翼氏說一篇后氏說一篇雜

傳四篇安昌侯說一篇五經雜議十八篇

石渠論

爾

雅三卷二十篇

張晏曰爾近也雅正也

小爾雅一篇古今字一

卷弟子職一篇

應劭曰管子仲所作

說三篇

凡孝經十一家五十九篇孝經者孔子為曾子陳

孝道也夫孝天之經地之義民之行也舉大者言  
故曰孝經漢興長孫氏博士江翁少府后倉諫大  
夫翼奉安昌侯張禹傳之各自名家經文皆同唯  
孔氏辟中古文為異父母生之續莫大焉故親生  
之膝下諸家說不安處古文字讀比目異臣瓚曰孝經云續莫大焉

而諸家之說各不安處之也師古曰拒譚新論云古孝經千八百七十一字今異者四百餘字

史籀十五篇

周宣王太史作大篆十五篇建武時亡六篇矣師古曰籀音胃

八體六技

昭韋

曰八體一曰大篆二曰小篆三曰刻符四曰書八曰隸書

蒼頡一篇

上七章秦丞相李斯

作爰歷六章車府令趙高作

傳學七章太史令胡毋敬作

凡將一篇

司馬相

急就一篇

元帝

時黃門令史游作

元尚一篇

成帝時將作大匠李長作

訓纂一篇

揚雄

別字



十三篇蒼頡傳一篇揚雄蒼頡訓纂篇杜林蒼頡訓纂一篇杜林蒼頡故一篇

凡小學十家三十五篇

入揚雄杜林二家二篇

易曰上古結繩

以治後世聖人易之以書契百官以治萬民以察

蓋取諸史

師古曰下繫之辭

史揚于王庭

師古曰史卦之辭

言其宣

揚于王者朝廷其用最大也古者八歲入小學故

周官保氏掌養國子教之六書

師古曰保氏地官之屬也保安也

謂

象形象事象意象聲轉注假借造字之本也

師古曰象

形謂畫成其物隨體詰屈日月是也象事即指事也謂視而可識察而見意上下是也象意即會意也謂比類合誼以見指攝武信是也

象聲即形聲謂以事爲名取譬相成江河是也轉注謂建類一首同意相受考老是也假借謂本無其字依聲託事令長是也文字之義

物歸六書故曰立字之本焉

漢興蕭何草律

師古曰草創造之

亦著其法曰

太史試學童能諷書九千字以上乃得為史又以

六體試之課最者以為尚書御史史書令史

韋昭曰若今尚

書蘭臺又史也臣瓚曰史書今之太史書

吏民上書字或不正輒舉劾六體

者古文奇字篆書隸書繆篆蟲書

師古曰古文謂孔子壁中書奇字即

古文而異者也篆書謂小篆蓋秦始皇使程邈所作也隸書亦程邈所獻主於徒隸從簡易也繆篆謂其文屈曲纏繞所以摹印章也蟲書謂為蟲鳥之形所以書幡信也皆所以通知古人之文字摹印章書

幡信也古制書必同文不知則闕問諸故老至於

衰世是非無正人用其私

師古曰各任私意而為字

故孔子曰吾猶

及史之闕文也今亡矣夫

師古曰論語載孔子之言謂文字有疑則當闕而不說孔子自

言我初涉學尚見闕文  
今則皆無任意改作也

蓋傷其篇不正

師古曰  
篇漸也

史籀篇

者周時史官教學童書也與孔氏壁中古文異

體蒼頡七章者秦丞相李斯所作也爰歷六章者

車府令趙高所作也博學七章者太史令胡毋敬

所作也文字多取史籀篇而篆體復頗異所謂秦

篆者是時始造隸書矣起於官獄多事苟趨省

易

師古曰趨讀曰趣謂趣  
向之也易音弋歧反

施之於徒隸也漢興閭里書

師合蒼頡爰歷博學三篇斷六十字以爲一章凡

五十五章并爲蒼頡篇

師古曰并合也總  
合以爲蒼頡篇也

武帝時司

馬相如作凡將篇無復字

師古曰復重也音  
扶目反後皆類此

元帝時

黃門令史游作急就篇成帝時將作大匠李長作  
元尚篇皆蒼頡中正字也凡將則頗有出矣至元  
始中徵天下通小學者以百數各令記字於庭中  
揚雄取其有用者以作訓纂篇順續蒼頡又易  
蒼頡中重複之字凡八十九章臣復續揚雄作十  
三章韋昭曰臣班固自謂也作十三章後人不別疑在倉頡下章三十四章中凡一百二章無復  
字六藝羣書所載略備矣蒼頡多古字俗師失其  
讀宣帝時徵齊人能正讀者張敞從受之傳至外  
孫之子杜林爲作訓故并列焉

凡六藝一百三家三千一百二十三篇

入三家百五十九篇出重十

一

六藝之文樂以和神仁之表也詩以正言義之

用也禮以明體明者著見故無訓也書以廣聽知

之術也春秋以斷事信之符也五者蓋五常之道

相須而備而易爲之原故曰易不可見則乾坤或

幾乎息矣

蘇林曰不能見易意則乾坤近於滅息也師古曰此上繫之辭也幾近也音鍾依反

三言與

天地爲終始也至於五學世有變改猶五行之更

用事焉

師古曰更互也音工衡反

古之學者耕且養三年而通一

藝存其大體玩經文而已是故用日少而畜德多

師古曰畜讀曰畜畜畜聚也易大畜卦象辭曰君子以多識前言往行以畜其德

三十而五經立也

後出經傳旣已乖離博學者又不思多聞闕疑

之義

師古曰論語稱孔子曰多聞闕疑慎言其餘則寡尤言爲學之道務在多聞疑則闕之慎於言語則少過也故志引

之而務碎義逃難便辭巧說破壞形體

師古曰荀

義以避它人之攻難者故爲便辭巧說以析破文字之形體也

說五字之文至於二二萬

言

師古曰言其煩妄也桓譚新論云秦近君能記堯典篇目兩字之說至十餘萬言但說曰若稽古三萬言後進彌

以馳逐故幼童而守一藝白首而後能言安其所

習毀所不見

師古曰已所常習則保安之未嘗所見者則妄毀誅

終以自蔽此學

者之大患也

序六藝爲九種

晏子八篇

名嬰謚平仲相齊景公孔子稱善與人交有列傳師古曰有列傳者謂太史公書

子思二

十三篇

名伋孔子孫爲魯繆公師

曾子十八篇

名參孔子弟子

漆彫子十

三篇

孔子弟子漆彫啓後

宓子十六篇

名不齊字子賤孔子弟子師古曰宓讀與伏同

景

子三篇

說文子語似其弟子

世子二十一篇

名碩陳人也七子之弟子

魏文侯

六篇李克七篇

子夏弟子為魏文侯相

公孫尼子二十八篇

七

子之弟子

孟子十一篇

名軻鄒人子思弟子有列傳師古曰聖證論云軻字子車而此志無字未詳其所得

孫卿子三十三篇

名況趙人為齊稷下祭酒有列傳師古曰本曰荀卿避宣帝諱故曰孫

羊

子十八篇

名嬰齊人七十子之後師古曰羊音弭

內業十五篇

不知作書者

周史

六發六篇

惠襄之間或曰顯王時或曰孔子問焉師古曰即今之六韜也蓋言取天下及軍旅之事發字與韜同也

周政六篇

周時法度政教

周法九篇

法天地立百官

河間周制十八

篇

似河間獻王所述也

讞言十篇

不知作者陳人君法度如傳曰讞音築爛師古曰說者引孔子家語云孔

穿所造非也

功議四篇

不知作者論功德事

甯越一篇

中牟人為周威王師

王孫子

一篇

一曰公孫固一篇巧心

十八年齊閔王失國問之固因為陳古今成敗也

李氏春

秋二篇羊子四篇

百章故秦博士

董子一篇

名無心難墨子

俟子一

篇

李奇曰或作俾子

徐子四十二篇

宋外黃人

魯仲連子十四篇

有列

平原君七篇

朱建也

虞氏春秋十五篇

虞卿也

高

祖傳十三篇

高祖與大臣述古語及詔策也

陸賈二十二篇劉敬三

篇孝文傳十一篇

文帝所稱及詔策

賈山八篇太常蓼侯孔

臧十篇

父聚高祖時以功臣封臧嗣爵

賈誼五十八篇河間獻王對

上下三雍宮三篇董仲舒百二十三篇兒寬九篇

公孫弘十篇終軍八篇吾丘壽王六篇屠羊丘說一

篇

難孫卿也

莊助四篇臣彭四篇鉤盾亢從李步昌八

篇

宣帝時數言事

儒家言十八篇

不知作者

桓寬鹽鐵論六十



篇

師古曰寬字次公汝南人也孝昭帝時丞相御史與諸賢良文學論鹽鐵事寬撰次之

劉向所序六

十七篇

新序說苑世說列女傳頌圖也

楊雄所序三十八篇

太玄十九法言十三

樂四箴二

右儒五十三家八百三十六篇

入楊雄一家三十八

篇儒家者流蓋出於司徒之官助人君順陰陽

明教化者也游文於六經之中留意於仁義之際

祖述堯舜憲章文武宗師仲尼以重其言

師古曰祖始也

述修也憲法也章明也宗尊也言以堯舜為本始而遵修之文王武王為明法又師尊仲尼之道

於道最為

高孔子曰如有所譽其有所試

師古曰論語載孔子之言也言於人有所

稱譽者輒試以事取其實效也譽音弋放反

唐虞之隆殷周之盛仲尼之業

已試之故者也然惑者既失精微而辟者又隨時

抑揚違離道本

師古曰辟讀曰僻

苟以譁衆取寵

師古曰譁誼也寵尊也譁

音呼

後進循之是以五經乖析儒學寔衰此辟

儒之患

師古曰寔漸也辟讀曰僻

伊尹五十一篇

相陽

太公二百三十七篇

呂望爲周師尚父本有道

者或有近世又以爲太公術者所增加也師古曰父讀曰甫也

謀八十一篇言七十一篇

兵八十五篇辛甲二十九篇

紂臣七十五諫而去周封之

鬻子二

十二篇

名能爲周師自文王以下問焉周封爲楚祖師古曰鬻重音弋六反

筮子八十六篇

名夷吾相齊桓公九合諸侯不以兵車也有列傳師古曰筮讀與管同

老子鄰氏經傳四篇

姓李名耳鄰氏傳其學

老子傳氏經說三十七篇

述老子字季

老子徐

氏經說六篇

字少季臨淮人傳老子

劉向說老子四篇文子九

篇

老子弟子與孔子並時而稱周平王閭似依託者也蛸子十三篇名淵楚人老子弟子師古曰蛸姓也

音一

關尹子九篇

名喜為關吏老子過關喜去吏而從之

莊子五十二篇

名周

列子八篇

名圉寇先莊子莊子稱之

老成子十八篇長盧子

九篇

楚人

王狄子一篇公子牟四篇

魏之公子也先莊子莊子稱之田

子二十五篇

名駢齊人駢稷下號天口駢師古曰駢音步田反

老萊子十六篇

楚人與孔子同時

黔婁子四篇

齊隱士守道不訛威王下之師古曰黔音其炎反下音胡穆反

宮孫

子二篇

師古曰宮孫姓也不知名

鷗冠子一篇

楚人居深山以鷗為冠師古曰以鷗鳥羽為冠

周訓十四篇

師古曰劉向別錄云人間小書其言俗薄

黃帝四經四篇黃帝銘

六篇黃帝君臣十篇

起六國時與老子相似也

雜黃帝五十八篇

六國時賢者所作

力牧二十二篇

六國時所作託之力牧力牧黃帝相孫子十六篇

六國時

捷子二篇

齊人武帝時說

曹羽二篇

楚人武帝時說於齊王

郎中

嬰齊十二篇

武帝時師古曰劉向云故待詔不知其姓數從游觀名能為文

臣君子二篇

蜀鄭長者一篇

六國時先韓子韓子稱之師古曰別錄云鄭人不知姓名

楚子三篇道

家言二篇

近世不知作者

右道三十七家九百九十

三篇道家者流蓋出於史官歷記成敗存亡禍

福古今之道然後知秉要執本清虛以自守卑弱

以自持此君人南面之術也合於堯之克攘

師古曰虞

書堯典稱堯之德曰允恭克讓言其信恭能讓也故志引之云攘古讓字

易之嗛嗛一謙而四

益此其所長也

師古曰四益謂天道虧盈而益謙地道變盈而益謙鬼神害盈而福謙人道惡盈而好謙

也此謙卦彖辭嗛字與謙同

又放者為之則欲絕去禮學兼弄仁

義師古曰放蕩也曰獨住清虛可以為治

宋司星子韋三篇景公之史公禱生終始十四篇傳始

終書師古曰禱音疇其字從木公孫發二十二篇六國時鄒子四十九

篇名衍齊人為燕昭王師居稷下號談天衍鄒子終始五十六篇師古曰亦鄒衍所說乘

丘子五篇六國時杜文公五篇六國時師古曰劉向別傳云韓人也黃帝

泰素二十篇六國時韓諸公子所作師古曰劉向別錄云或言韓諸公孫之所作也言陰陽五行以為黃帝之道

也故曰泰素南公三十一篇六國時容成子十四篇張蒼十六

篇丞相北平侯鄒顛子十二篇齊人號曰彫龍顛師古曰顛音試亦反閭丘子十

三篇名使魏人馮促十三篇鄭人將鉅子五篇六國時先在南公前

稱之五曹官制五篇漢制以賈誼所條周伯十一篇齊人六國時衛

侯官十二篇

近世不知作者

于長天下忠臣九篇

平陰人近世師古曰劉向

別錄云傳天下忠目

公孫渾邪十五篇

平曲侯

雜陰陽三十八篇

不知作者

右陰陽二十一家三百六十九篇陰陽

家者流蓋出於義和之官敬順昊天歷象日月星

辰敬授民時此其所長也及拘者為之則牽於禁

忌泥於小數

師古曰泥滯也音乃計反

舍人事而任鬼神

師古曰舍發也

李子三十二篇

名惺相魏文侯富國彊兵

商君二十九篇

名鞅姬姓衛後也相

秦孝公有列傳

申子六篇

名不害京人相韓昭侯終其身諸侯不敢侵韓師古曰京河南京縣

處子九

篇

師古曰史記云趙有處子

慎子四十二篇

名到先申韓申韓構之

五篇

名非韓諸公子使秦李斯害而殺之

游楝子一篇

師古曰楝音徒計反

鼂錯三十

一篇燕十事十篇

不知作者

法家言二篇

不知作者

右法十家二百一十七篇法家者流蓋出於理

官信賞必罰以輔禮制易曰先王以明罰飭法

古師

曰噬嗑之象辭也此其所長也及刻者爲之則無教化

去仁愛專任刑法而欲以致治至於殘害至親傷

恩薄厚

師古曰薄厚者變厚爲薄

鄧析二篇

鄭人與子產並時師古曰列子及孫卿並

云子產殺鄧析據左傳昭公二十二年子產卒定公九年駟黻殺鄧析而用其竹刑則非子產所殺也尹文子一篇

說齊宣王先公孫龍師古曰劉公孫龍子十四篇趙人師古

向云與宋鉏俱游稷下鉏音形公孫龍子十四篇

白之辯者成公生五篇

與黃公等同時師古曰姓成公劉向云與李斯子由同時由爲三川守成公生游談不仕

惠子一篇

名施與莊子並時

黃公四篇

名疵爲秦博士作歌詩在秦時歌詩中師古曰疵音

才斯

反 毛公九篇

趙人與公孫龍等並游平原君趙勝家師古曰劉向別錄云論堅白同異以為可以治天下此

蓋史記所云藏於博徒者

右名七家三十六篇名家者流蓋

出於禮官古者名位不同禮亦異數孔子曰必也

正名乎名不正則言不順言不順則事不成

師古曰論語載

孔子之言也言欲為政必先正其名此其所長也及斂言者為之

晉灼曰斂言訐也師古曰斂言音工

反則苟鉤鈇折亂而已

師古曰鈇破也音普華反又音普狄反

尹佚二篇

周臣在成康時也

田佚子三篇

先韓子蘇林曰佚音仇

我子一

篇

師古曰劉向別錄云為墨子之孝

隨巢子六篇

墨翟弟子

胡非子三篇

墨子七十一篇

名翟為宋大子在孔子後

右墨六家八十六篇墨家者流蓋出於清廟之



守茅屋采椽

師古曰采柞木也字作椽本從木以茅覆屋以椽為椽言其質素也采音千在反

是

以貴儉養三老五更是以兼愛選士大射是以上

賢宗祀嚴父是以右鬼

如淳曰右鬼謂信鬼神若杜伯射宣王是親鬼而右之師古曰右猶尊尚

也順四時而行是以非命

蘇林曰非有命者言儒者執有命而反勸人修德積善政教與

行相反故譏之也如淳曰言無吉凶之命但有賢不肖善惡

以孝視天下是以上同

如淳曰言

皆同可以治也師古曰墨子有節用兼愛上賢明鬼神非命上同等諸篇故志歷序其本意也視讀曰示

此其所長

也及蔽者為之見儉之利因以非禮推兼愛之意

而不知別親疏

蘇子二十一篇

名秦有列傳

張子十篇

名儀有列傳

龐煖二篇

為燕將師古曰煖音許遠反

闕子一篇國筮子十七篇秦零陵令

信一篇

難素相李斯

蒯子五篇

通名

鄒陽七篇主父偃二

十八篇徐樂一篇莊安一篇待詔金馬聊蒼三篇

趙人武帝時師古曰嚴助傳作膠蒼而此志作聊志傳不同未知孰是

右從橫十二家

百七篇從橫家者流蓋出於行人之官孔子曰誦

詩三百使於四方不能顓對雖多亦奚以為

師古曰論語載

語載孔子之言也謂人不達於事誦詩雖多亦無所用

又曰使乎使乎

師古曰亦論語載孔子之言歎使者

之難其人

言其當權事制宜受命而不受辭此其所長

也及邪人爲之則上詐諉而弃其信

師古曰諉詐言也音許遠反

孔甲盤盂二十六篇

黃帝之史或曰夏帝孔甲似皆非

大令一十七

篇

傳言禹所作其文以後世語師古曰令古禹字

五子胥八篇

名負春秋時爲吳將忠直遇讒死

子晚子三十五篇

齊人好議兵與司馬法相似

由余三篇

戎人秦穆公聘以為

大尉繚二十九篇

六國時師古曰尉姓繚名也音了又音聊劉向別錄云繚為商君學

尸子

二十篇

名佼魯人秦相商君師之軼死佼逃入蜀師古曰佼音絞

呂氏春秋二十六

篇

秦相呂不韋輯智略士作

淮南內二十一篇

王

淮南外三十

三篇

師古曰內篇論道外篇雜說

東方朔二十篇伯象先生一篇

應劭曰蓋隱者也故公孫敖難以無益世主之治

荆軻論五篇

軻為燕刺秦王不成而死司馬相如

等論

吳子一篇公孫尼一篇博士臣賢對一篇

漢世

難韓子商君

臣說三篇

武帝時作賦師古曰說者其人名讀曰悅

解子簿書三十

五篇推雜書八十七篇雜家言一篇

王伯不知作者師古曰言伯王之道

伯讀曰霸

右雜二十家四百三篇

入兵

雜家者流

蓋出於議官兼儒墨合名法知國體之有此師古

曰治國之體亦當有此雜家之說見王治之無不貫師古曰王者之治於此

其所長也及邊者為之則漫羨而無所歸心師古曰漫放也

羨音弋  
戰反

神農二十篇六國時諸子疾時怠於農業道耕農事託之神農師古曰劉向別錄云疑李悝及商君所說

野老十七篇六國時在齊楚閒應劭曰年老居田野相民耕種故號野老宰氏十七

篇不知何世董安國十六篇漢代內史不知何帝時尹都尉十四篇

不知何世趙氏五篇不知何世汜勝之十八篇成帝時為議郎師古曰劉

向別錄云使教田三輔有好田者師之徙為御史汜音凡又音敷劔反王氏六篇不知何世蔡癸一

篇宣帝時以言便宜至弘農太守師古曰劉向別錄云邯鄲人

右農九家百一十四篇農家者流蓋出於農稷

之官播百穀勸耕桑以足衣食故八政一曰食二

曰貨孔子曰所重民食師古曰論語載孔子稱殷湯伐桀告天辭也言為君之道所重

者在人此其所長也及鄙者為之以為無所事聖王

師古曰言不須欲使君臣並耕諄上下之序師古曰諄亂也音布

內伊尹說二十七篇其語淺薄似依託也鬻子說十九

篇後世所加周考七十六篇考周事也青史子五十七篇古史

官記師曠六篇見春秋其言淺薄本與此同似因託之務成子十一篇

稱堯問宋子十八篇孫卿道宋子其言黃老意天乙三篇天乙謂湯其言非殷

時皆依託也黃帝說四十篇迂誕封禪方說十八篇武帝

時待詔臣饒心術二十五篇

武帝時師古曰劉向別錄云饒齊人也不知其姓武

帝時待詔作書名曰心術也

待詔臣安成未央術一篇

應劭曰道家也好養

生事爲未央之術

臣壽周紀七篇

項國圉人宣帝時

虞初周說九百

四十三篇

河南人武帝時以方士侍郎號黃車使者應劭曰其說以周書爲本師古曰史記云虞初洛陽人即張衡

西京賦小說九百本自虞初者也

百家百三十九卷

右小說十五

家千三百八十篇小說家者流蓋出於稗官

如淳曰稗音

鍛家排九章細米爲稗街談巷說其細碎之言也王者欲知閭巷風俗故立稗官使稱說之今世亦謂偶語爲稗師古曰稗音梯稗之稗不與鍛排同也稗官小官漢名臣奏唐林請省置吏公卿大夫至都官稗官各減什三是也

街談巷語道

聽塗說者之所造也孔子曰雖小道必有可觀者

焉致遠恐泥是以君子弗爲也

師古曰論語載孔子之言泥滯也音乃細反

然亦弗滅也閭里小知者之所及亦使綴而不志如或一言可采此亦芻蕘狂夫之議也

凡諸子百八十九家四千三百二十四篇出楚叢一

篇諸子十家其可觀者九家而已皆起於王道既

微諸侯力政時君世主好惡殊方師古曰好音呼到反惡音一故反是

以九家之術逢蠱出並作師古曰逢蠱與鋒同各引一端崇其所

善以此馳說取合諸侯其言雖殊辟猶水火相滅

亦相生也師古曰辟讀曰譬言仁之與義敬之與和相反而皆

相成也易曰天下同歸而殊塗一致而百慮師古曰下

繫之辭今異家者各報所長窮知究慮以明其指雖

有蔽短合其要歸亦六經之支與流裔

師古曰裔衣末也其於六

經如水之下流衣之末裔

使其人遭明王聖主得其所折中皆股

肱之材已

師古曰已語終辭

仲尼有言禮失而求諸野

師古曰言

都邑失禮則於外野求之亦將有獲

方今去聖久遠道術缺廢無所更

索

師古曰索求也

彼九家者不猶瑜於野乎

師古曰瑜與愈同愈勝也

若

能修六藝之術而觀此九家之言舍短取長則可

以通萬方之略矣

師古曰舍廢也

屈原賦二十五篇

楚懷王大夫有列傳

唐勒賦四篇

楚人

宋玉賦

十六篇

楚人與唐勒並時在屈原後也

趙幽王賦一篇莊夫子賦二

十四篇

名思吳人

賈誼賦七篇枚乘賦九篇司馬相如



賦二十九篇淮南王賦八十二篇淮南王羣臣賦

四十四篇太常蓼侯孔臧賦二十篇陽丘侯劉

賦十九篇

師古曰隱音偃

吾丘壽王賦十五篇蔡申賦一

篇上所自造賦二篇

師古曰武帝也

兒寬賦二篇光祿大

夫張子僑賦三篇

與王褒同時也

陽成侯劉德賦九篇劉

向賦三十三篇王褒賦十六篇右賦二十家三百

六十一篇陸賈賦三篇枚皐賦百二十篇朱建賦

二篇常侍郎莊忽奇賦十一篇

枚皐同時師古曰七略云忽奇者或言莊夫子

子或言族家子莊助昆弟也從行至茂陵詔造賦

嚴助賦三十五篇

師古曰上言莊忽奇下言嚴助史

駁文

朱買臣賦三篇宗正劉辟彊賦八篇司馬遷

賦八篇郎中臣嬰齊賦十篇巨說賦九篇

師古曰說名音悅

臣吾賦十八篇遼東太守蘇季賦一篇蕭望之賦

四篇河內太守徐明賦三篇

字長君東海人元成世歷五郡太守有能名

給事

黃門侍郎李息賦九篇淮陽憲王賦二篇楊雄賦

十二篇待詔馮商賦九篇博士弟子杜參賦二篇

師古曰劉向別錄云臣向謹與長杜尉杜參校中秘書劉歆又云參杜陵人以陽朔元年病死時年二十餘

車郎張

豐登賦三篇

張子儵子

驃騎將軍朱宇賦三篇

師古曰劉向別錄云驃騎

將軍史朱宇志以字在驃騎府故愬言驃騎將軍

右賦二十一家二百七十四篇

八篇

孫卿賦十篇秦時雜賦九篇李思孝景皇

帝頌十五篇廣川惠王越賦五篇長沙王羣巨賦

三篇魏內史賦二篇東曉令延年賦七篇

師古曰東曉縣名曉

音移衛士令李忠賦二篇張偃賦二篇賈充賦四篇

張仁賦六篇秦充賦二篇李步昌賦二篇侍郎謝

多賦十篇平陽公主舍人周長孺賦二篇雒陽錡

華賦九篇

師古曰錡姓華名錡音魚綺反

眭弘賦一篇

師古曰即眭孟也眭音元隨反

別相陽賦五篇

服虔曰相音訓

臣昌市賦六篇臣義賦二

篇黃門書者假史王商賦十三篇侍中徐博賦四

篇黃門書者王廣呂嘉賦五篇漢中都尉永華龍

賦二篇左馮翊史路恭賦八篇右賦二十五家百

三十六篇客主賦十八篇雜行出及頌德賦二十

四篇雜四夷及兵賦二十篇雜中賢失意賦十二

篇雜思慕悲哀死賦十六篇雜鼓琴劍戲賦十三

篇雜山陵水泡雲氣雨旱賦十六篇

師古曰泡水上浮漚也音普交反

漚音一候反

雜禽獸六畜昆蟲賦十八篇雜器械草木賦

三十三篇大雜賦三十四篇成相雜辭十一篇隱

書十八篇

師古曰劉向別錄云隱書者疑其言以相問對者以慮思之可以無不諭

右雜賦十二家二百三十三篇

高祖歌詩二篇泰一雜甘泉壽宮歌詩十四篇宗

廟歌詩五篇漢興以來兵所誅滅歌詩十四篇出

行巡狩及游歌詩十篇臨江王及愁思節士歌詩

四篇李夫人及幸貴人歌詩三篇詔賜中山靖王

子噲及孺子妾冰未央材人歌詩四篇

師古曰孺子王妾之有品

號者也妾王之众妾也永其名材人天子内官

吳楚汝南歌詩十五篇燕代謳

鴈門雲中隴西歌詩九篇邯鄲河間歌詩四篇齊

鄭歌詩四篇淮南歌詩四篇左馮翊秦歌詩三篇

京兆尹秦歌詩五篇河東蒲反歌詩一篇黃門倡

車忠等歌詩十五篇雜各有主名歌詩十篇雜歌

詩九篇雒陽歌詩四篇河南周歌詩七篇河南周

歌聲曲折七篇周謠歌詩七十五篇周謠歌詩聲

曲折七十五篇諸神歌詩三篇送迎靈頌歌詩三

篇周歌詩二篇南郡歌詩五篇

右歌詩二十八家三百一十四篇凡詩賦百六家

千三百一十八篇

入楊雄八篇

傳曰不歌而誦謂之賦登

高能賦可以爲大夫言感物造端材知深美

師古曰端

古端字也因物動志則造辭義之端緒

可與圖事故可以爲列大夫也古

者諸侯卿大夫交接鄰國以微言相感當揖讓之

時必稱詩以諭其志蓋以別賢不肖而觀盛衰焉

故孔子曰不學詩無以言也

師古曰論語載孔子戒伯魚之辭也

春秋之

後周道寤寐壤

師古曰寤漸也

聘問歌詠不行於列國學詩

之士逸在布衣而賢人失志之賦作矣大儒孫卿

四百四  
前漢書文志十  
及楚臣屈原離讒憂國皆作賦以風

師古曰離遭也風讀曰諷次下

亦同

咸有惻隱古詩之義其後宋玉唐勒漢興枚乘

司馬相如下及楊子雲競爲侈麗閎衍之詞沒其

風諭之義是以楊子悔之曰詩人之賦麗以則辭

人之賦麗以淫

師古曰辭人言後代之爲文辭

如孔氏之門人用賦

也則賈誼登堂相如入室矣如其不用何

師古曰言孔氏之門

既不用賦不可如何謂賈誼相如無所施也

自孝武立樂府而采歌謠於是有代

趙之謳秦楚之風皆感於哀樂緣事而發亦可以

觀風俗知薄厚云序詩賦爲五種

吳孫子兵法八十二篇

圖九卷師古曰孫武也臣於闔廬

齊孫子八十

九篇圖四卷師古曰孫臏公孫鞅二十篇吳起四十八篇列有

傳范蠡二篇越王句踐臣也大夫種三篇與范蠡俱事句踐李子十篇

姪一篇師古曰姪音女瑞反兵春秋三篇龐煖二篇師古

曰煖音許遠反又音許元反兒良一篇師古曰大國時人也兒音五奚反廣武君一篇

李左車韓信三篇師古曰淮陰侯

右兵權謀十三家二百五十九篇省伊尹太公管子孫卿子鸛冠子蘇子蒯通

陸賈淮南王二百五十九種出司馬法入禮也權謀者以正守國以奇用兵先

計而後戰兼形勢包陰陽用技巧者也楚兵法七

篇圖四蚩尤二篇見呂刑孫軫五篇圖三繇叙二篇

王孫十六篇圖五尉繚三十一篇魏公子二十一



篇

圖十卷名無忌有列傳

景子十三篇李良三篇丁子一篇項

王一篇

籍名

右兵形勢十一家九十二篇圖十八

卷形勢者雷轟動風舉後發而先至離合背鄉變

化無常

師古曰背音步內反鄉讀曰嚮

以輕疾制敵者也

太壹兵法一篇天一兵法三十五篇神農兵法二

篇黃帝十六篇

圖三卷

封胡五篇

黃帝臣依託也

風后十三

篇

圖二卷黃帝臣依託也

力牧十五篇

黃帝臣依託也

鳩冶子一篇

圖一

卷晉灼曰鳩音夾

鬼容區三篇

圖一卷黃帝臣依託師古曰即鬼史區也

地典六篇

孟子一篇東父三十一篇師曠八篇

晉平公臣

萇弘十

五篇

周史

別成子望軍氣六篇

圖三卷

辟兵威勝方

七十篇

右陰陽十六家二百四十九篇

圖十卷

陰陽者順時

而發推刑德隨斗擊因五勝

師古曰五勝五行相勝也

假鬼神而

爲助者也

鮑子兵法

圖卷

五子胥十篇

圖卷

公勝子五篇苗子五篇

逢門射法三篇

師古曰即逢蒙

陰通成射法十一篇李將

軍射法三篇

師古曰李廣

魏氏射法六篇彊弩將軍

王圍射法五卷

師古曰圍鄆郅人也見趙充國傳也

望遠連弩射法具

十五篇護軍射師王賀射書五篇蒲苴子弋法四

篇

師古曰苴音子余反

劔道三十八篇手搏六篇雜家兵法五

十七篇楚韞二十五篇

師古曰韞以韋爲之實以物楚韞之以爲戲也楚韞陳力之事故附

於兵法焉楚韞音子  
六反韞音巨六反

右兵技巧十三家百九十九篇

省墨子重入楚韞也

技巧者

習手足便器械積機關以立攻守之勝者也凡兵畫

十三家七百九十篇圖四十三卷

省十家二百七十一篇重入楚韞一家

二十五篇出司馬法  
百五十五篇入禮也

兵家者蓋出古司馬之職王官之

武備也鴻範八政八曰師孔子曰爲國者足食足

兵

師古曰論語載孔子之言  
無兵與食不可以爲國

以不教民戰是謂弃之

古師

曰亦論語所載孔子之言  
非其不素習武備

明兵之重也易曰古者弦木爲

弧剡木爲矢弧矢之利以威天下

師古曰下繫之辭也  
弧木弓也剡謂銳而

利之也音  
弋舟反

其用上矣後世燿金爲刃割革爲甲

師古曰燿

讀與鑠同謂銷也

器械甚備下及湯武受命以師克亂而濟

百姓動之以仁義行之以禮讓司馬法是其遺事

也自春秋至於戰國出奇設伏變詐之兵並作漢興

張良韓信序次兵法凡百八十二家刪取要用

定著三十五家諸呂用事而盜取之武帝時軍政

楊僕摭摭遺逸紀奏兵錄

師古曰摭摭謂拾取之摭音九問反摭音之石反

猶

未能備至于孝成命任宏論次兵書爲四種

泰壹雜子星二十八卷五殘雜變星二十一卷

師古

曰五殘星名也見天文志

黃帝雜子氣三十三篇常從日月星三氣

二十一卷

師古曰常從人姓名也老子師之

皇公雜子星二十二卷淮

南雜子星十九卷泰壹雜子雲雨三十四卷國

章觀霓雲雨三十四卷泰階六符一卷

李奇曰三台謂之泰階兩

兩成體三台故六觀色以知吉凶故曰二符

金度玉衡漢五星客流出入八

篇漢五星彗客行事占驗八卷漢日旁氣行事占

驗三卷漢流星行事占驗八卷漢日旁氣行占驗

十三卷漢日食月暈雜變行事占驗十三卷海

中星占驗十二卷海中五音生經雜事二十二卷海

中五星順逆二十八卷海中二十八宿國分二十

八卷海中二十八宿臣分二十八卷海中日月彗

虹雜占十八卷圖書祕記十七篇

右天文二十一家四百四十五卷天文者序二十

八宿步五星日月以紀吉凶之象聖王所以參政

也易曰觀乎天文以察時變

師古曰貴卦之彖辭也

然星事死

悍非湛密者弗能由也

師古曰殆讀與凶同湛讀曰沈由用也

夫觀景以

譴形非明王亦不能服聽也以不能由之臣諫不

能聽之王此所以兩有患也

黃帝五家歷三十三卷顓頊歷三十一卷顓頊五

星歷十四卷日月宿歷十三卷夏殷周魯歷十四

卷天歷大歷十八卷漢元殷周諫歷十七卷耿昌

月行帛圖二百三十二卷耿昌月行度二卷傳周  
五星行度三十九卷律歷數法三卷自古五星宿  
紀三十卷太歲謀日畧二十九卷帝王諸侯世譜  
二十卷古來帝王年譜五卷日畧書三十四卷許  
商算術二十六卷杜忠算術十六卷

右歷譜十八家六百六卷歷譜者序四時之位正  
分至之節會日月五星之辰以考寒暑殺生之實  
故聖王必正歷數以定三統服色之制又以探知  
五星日月之會凶阨之患吉隆之喜其術皆出焉  
此聖人知命之術也非天下之至材其孰與焉

師古

曰與讀

道之亂也患出於小人而強欲知天道者壞

大以爲小削遠以爲近是以道術破碎而難知也

泰一陰陽二十三卷黃帝陰陽二十五卷黃帝諸子

論陰陽二十五卷諸王子論陰陽二十五卷太元陰陽二

十六卷三典陰陽談論二十七卷神農大幽五行二

十七卷四時五行經二十六卷猛子閭昭二十五卷陰陽

五行時令十九卷堪輿金匱十四卷

師古曰許慎云堪輿地道也

務

成子災異應十四卷十二典災異應十二卷鍾律災

應二十六卷鍾律叢辰日苑二十二卷鍾律消息

二十九卷黃鍾七卷天一六卷泰二十九卷刑



德七卷風鼓六甲二十四卷風后孤虛二十卷六合隨典二十五卷轉位十二神二十五卷羨門式法二十卷羨門式二十卷文解六甲十八卷文解二十八宿二十八卷五音竒胫用兵二十三卷

淳如

曰音該師古曰許慎云胫軍中約也

五音竒胫刑德二十一卷五音定名

十五卷右五行三十一家六百五十二卷五行者

五常之形氣也書云初一日五行次二曰羞用五

事

師古曰周書洪範之辭也

言進用五事以順五行也貌言視聽

思心失而五行之序亂五星之變作皆出於律歷

之數而分爲一者也

師古曰說皆在五行志也

其法亦起五德終

始推其極則無不至而小數家因此以爲吉凶而

行於世寔以相亂

師古曰  
寔漸也

龜書五十二卷夏龜二十六卷南龜書二十八卷  
巨龜三十六卷雜龜十六卷著書二十八卷周易  
三十八卷周易明堂二十六卷周易隨曲射匿五  
十卷大筮衍易二十八卷大次雜易三十卷鼠序  
卜黃二十五卷於陵欽易吉凶二十三卷任良易  
旗七十一卷易卦八具

右著龜十五家四百一卷著龜者聖人之所用也

書曰女則有大疑謀及卜筮

師古曰周書洪範之辭也嘉所  
爲之事有疑則以卜筮決之

也龜曰卜  
著曰筮

易曰定天下之吉凶成天下之亹亹者莫

善於著龜是故君子將有為也將有行也問焉而

以言其受命也如嚮無有遠近幽深邃知來物非

天下之至精其孰能與於此

師古曰皆上繫之辭也亹亹

其言問於易受命如嚮者謂示以吉凶其應速疾如嚮之隨聲也遂猶究也來物謂當來之事也嚮與響同與讀曰豫

及至衰

世解於齊戒而婁煩卜筮

師古曰解讀曰解齊讀曰齋婁讀曰婁

神明不

應故筮瀆不告易以為忌

師古曰易蒙卦之辭曰初筮告再三瀆瀆則不告言童蒙之來

決疑初則以實而告至于再三為其煩瀆乃不告也

龜厭不告詩以為刺

師古曰小雅小旻之詩曰

我龜既厭不我告猶言卜問煩數

黃帝長柳占夢十一卷

甘德長柳占夢二十卷武禁相衣器十四卷嚏耳

鳴雜占十六卷

師古曰嘯音丁計反

禎祥變怪二十一卷人鬼

精物六畜變怪二十一卷變怪詭咎十三卷執不

祥効鬼物八卷請官除妖祥十九卷

師古曰詭字與妖同

禳祀天

文十八卷

師古曰禳除災也音人羊反

請禱致福十九卷請雨止

雨二十六卷泰壹雜子候歲二十二卷子贛雜子

候歲二十六卷五法積貯寶臧二十三卷

神農教

田相土耕種十四卷昭明子釣種生魚鼈八卷種

樹臧果相蠶十三卷

右雜占十八家三百一十三卷雜占者紀百事之

象候善惡之徵

師古曰徵證也

易曰占事知來

師古曰下繫之辭也言有事而

占則觀方來之驗也衆占非一而夢爲大故周有其官師古曰謂大卜掌三

夢之法又占夢中士二人比皆宗伯之屬官而詩載熊羆羆蛇衆魚旄旌之夢

著明大人之占以考古凶師古曰小雅斯千之詩曰吉夢維何維熊維羆男子之祥維虺

維蛇女子之祥無羊之詩曰牧人乃夢衆維魚矣旄旄旌矣大人占

之衆維魚矣實維豐年旄旄旌矣室家湊湊言能羆羆蛇皆爲吉祥

之夢而生男女及見衆魚則爲曲昌年之應旄旌則爲多盛之象

大人占之謂以聖人占夢之法占之也畫龜蛇曰旄鳥隼曰旌蓋

參卜筮春秋之說詠也曰人之所忌其氣炎以取

之詠由人興也人失常則詠興人無豐焉詠不自

作師古曰申繻之辭也事見莊公十四年災謂火之光始發也三言人所忌其氣發引致於災也豐瑕也失常謂反五常之德也災讀與

同故曰德勝不祥義厭不惠師古曰厭音伊桑穀共

生大戊以興雉雉登鼎武丁爲宗師古曰說在然惑郊祀五行志

者不稽諸躬而忌詿之見

師古曰稽考也計也

是以詩刺召彼

故老訊之占夢

師古曰小雅正月之詩也故老元老也訊問也言不能修德以攘災但問元老以占夢之吉凶

傷其舍本而憂末不能勝凶咎也

山海經十三篇國朝七卷官宅地形二十卷相人

二十四卷相寶劍刀二十卷相六畜三十八卷

右形法六家百二十二卷形法者大舉九州之勢

以立城郭室舍形人及六畜骨法之度數器物之

形容以求其聲氣貴賤吉凶猶律有長短而各徵

其聲非有鬼神數自然也然形與氣相首尾亦有

有其形而無其氣有其氣而無其形此精微之獨

異也

凡數術百九十家二千五百二十八卷數術者皆明堂義和史卜之職也史官之廢久矣其書既不

能具雖有其書而無其人易曰苟非其人道不虛行

師古曰下繫之辭也言道由人行

春秋時魯有梓慎鄭有裨竈晉有

卜偃宋有子韋六國時楚有甘公魏有石申夫漢

有唐都庶得麤獬

師古曰獬粗略也音才戶反

蓋有因而成易無

因而成難故因舊書以序數術為六種黃帝內經十八卷外經三十七卷扁鵲內經九卷外經十二卷白氏內經三十八卷外經三十六卷靈樞經二十

五卷

右醫經七家二百一十六卷醫經者原人血脉經

落骨髓陰陽表裏以起百病之本死生之分而用

度箴石湯火所施

師古曰箴所以刺病也石謂砭石即石箴也古者攻病則有砭今其術絕矣箴音之林反

砭音彼廉反

調百藥齊和之所宜

師古曰齊音才詣反其下並同和音乎卧反

至齊

之得猶慈石取鐵以物相使拙者失理以瘡為劇

以生為死

師古曰瘡讀與愈同愈差也

五藏六府痺十二病方三十卷

師古曰痺風溼之病音必二反

五藏

六府疝十六病方四十卷

師古曰疝心腹氣病音山諫反又音刪

五藏

六府痺十二病方四十卷

師古曰痺黃病音丁韓反

風寒熱十六



病方二十六卷泰始黃帝扁鵲俞拊方二十三卷

應劭曰黃帝時醫

也師古曰拊音膚

五藏傷中十一病方三十一卷客

疾五藏狂顛病方十七卷金創癰瘕方三十卷

服虔

曰音擗引之擗師古曰小兒病也癰音充制反癰音子用反

婦人嬰兒方十九卷湯液

經法三十二卷神農黃帝食禁七卷

右經方十一家二百七十四卷經方者本草石之寒溫量疾病之淺深假藥味之滋因氣感之宜辯五苦六辛致水火之齊以通閉解結反之於平及失其宜者以熱益熱以寒增寒精氣內傷不見於外是所獨失也故諺曰有病不治常得中醫

容成陰道二十六卷務成子陰道三十六卷堯舜  
陰道二十三卷湯盤庚陰道二十卷天老雜子陰  
道二十五卷天一陰道二十四卷黃帝三王養陽  
方二十卷三家內房有子方十七卷

右房中八家百八十六卷房中者情性之極至道  
之際是以聖王制外樂以禁內情而爲之節文傳  
曰先王之作樂所以節百事也樂而有節則和平  
壽考及迷者弗顧以生疾而隕性命

宓戲雜子道二十篇上聖雜子道二十六卷道要  
雜子十八卷黃帝雜子步引十二卷黃帝岐伯按

摩十卷黃帝雜子芝菌十八卷

師古曰服餌芝菌之法也菌音求閔反

黃

帝雜子十九家方二十一卷泰壹雜子十五家方

二十二卷神農雜子技道二十三卷泰壹雜子黃

冶三十一卷

師古曰黃冶釋在郊祀志

右神僊十家二百五卷神僊者所以保性命之真

而游求於其外者也聊以盪意平心同死生之域

師古曰盪滌一曰盪放也

而無怵惕於胸中然而或者專以為務

則誕欺怪迂之文彌以益多

師古曰誕大言也迂遠也

非聖王之

所以教也孔子曰索隱行怪後世有述焉吾不為

之矣

師古曰禮記載孔子之言索隱求索隱暗之事而行怪迂之道妄令後人有所祖述非我本志

凡方技三十六家八百六十八卷方技者皆生生之具王官之一守也大古有岐伯俞拊中世有扁

鵠秦和

師古曰和秦醫名也

蓋論病以及國原診以知政

師古曰診視驗

謂視其脉及色候也

漢興有倉公今其技術晻昧

師古曰晻與暗

診音軫又丈刃反

同故論其書以序方技為四種大凡書六略三十

八種五百九十六家萬二千二百六十九卷

入三家五十篇

省兵十家

藝文志卷第十

志序神僊者內云孔子曰索隱行怪顏師古注云  
禮記載孔子之言索隱求索隱暗之事臣佖案禮  
記中庸篇有云子曰素隱行怪後世有述焉吾弗  
爲之矣鄭玄注云素讀如攻城攻其所僭之僭僭  
猶鄉也言方鄉避害隱身而行僇謫以作後世名  
也弗爲之矣恥之也人之志作索隱師古從而解之  
文注即與禮記不同意義亦不相遠故索字不更  
刊正作素字